



BIBLIOTHECA
UNIV. JAGELL.
CRACOVENSIS

589236

Mag. St. Dr.

III



Biblioteka Jagiellońska



stdr0016761



589236

III

2-gi egz. do : 21694 III

THE UNIVERSITY OF CHICAGO
LIBRARY

1893
B
C
D
1893

AUGUSTA

MACDONALDIA

MACDONALDIA

MACDONALDIA

MACDONALDIA

MACDONALDIA

MACDONALDIA

MACDONALDIA

MACDONALDIA

MACDONALDIA


MACDONALDIA

MACDONALDIA

MACDONALDIA

MACDONALDIA

MACDONALDIA



AUGUSTA
MAGNIFICENTIA,
SERENISSIMORVM
SPONSORVM:

JACOBI,
POLONIA RV M PRINCIPIS:

&
HEDVIGIS
ELISABETH
AMALIÆ,

PRINCIPIS ELECTORALIS,
COMITIS PALATINÆ RHENI NEOBURGICÆ,
DVCIS BAVARIÆ, IVLIÆ, CLIVIÆ, MONTIVM, &c. &c.

D O M I N Æ:

Regio eximiarum Virtutum opere

E X C I T A T A.

& ad auspiciatum Hymenæum,

è Voto lætitiæ publicæ,

^A
M. MARTINO OSLINSKI,
Canonico S. ANNÆ, Cõllèga Majore, Tyliciano in Vniversitate Crac: Professore,
Venerabundo cultu

54. C E L E B R A T A.

Anno, quo magnificavit Dominus gloriam suam, M. DC. XCI.

CRACOVIAE. TYPIS VNIVERSITATIS Impensæ N...

Heroicæ Virtutes, non nisi
Heroibus nubunt. *Livius.*

Iungite cōcordes māsura in foederā dextras,
Quæ non vlla dies, quæ non fata impia rūpāt.
Iungite iō SPONSI. *Quidam.*

589.236

III

mag. 87. 21.

AUGUSTA MAGNIFICENTIA.

SERENISSIMI PRINCIPES SPONSI.



Vspicata sub tam fausto
Splendorum Vestrorum nexu,
Augusti Hymenæi celebritas,
quantum, insigni sua festivitate
pudentibus viam lætiori fortu-
næ fatis, excitat in animis omni-
um lætitiæ; tantum attonitis ad altio-
rem humanâ industriâ Magnificentiam,
faceffit negotii, quid ve-
lint, quidve sentiant explicandi.
Perstringit oculos insolitus tantæ
Majestatis fulgor; tot luminibus,
quot Principum in Europa Maximorum
in hæc solennia cœduntium vota
decoribus illustris; veriori,
eminus etiam prospectantes,
quàm olim Cyneam implens
stupore; ne non purpuram
Regum intueri videantur,
sed Deorum conventum.
Caligabit ad tantæ lucis nitorem,
qui contra tueri audentius
præsumat. Arcanum est,
quod celsæ imperio species
Majestate involvunt: ipsa
sui communicatione,
non omnibus æquè sese
communicare: cælo ut
æmulæ fiant, cujus influxum
& lumen non quælibet
pupilla libero haurit obtutu.

1
bar evibrant, quod colores omnes & sollicitè quæ-
sita absument ornamenta; ut nuda appareant, quæ
curatissimum præferre videbantur apparatus; ex-
quisitam includere tincturam; vel ad omnem ve-
nustatem composito accedere cultu. Retundit in-
ipso lumine consciam tenuitatem summa etiam fa-
tigans ingenia excultâ prudentiâ & examinatis ver-
bis turgentia; & pænè submover obiecta venera-
tio. Cui enim ad tam sacrum horrorem non tor-
peat animus? vel torpenti non concidat? vel cum
voce non excidat? Equidem facilius est publicum
gerenti genium, vultu gestienti, quid sentiat mani-
festare; quàm privato unius conatu quid capiat, si
modo capere possit ingentium splendorum am-
plitudinem, exprimere. Quippè difficilè rebus ver-
ba respondent, ubi illustrius occurrit dicendi argu-
mentum: elinguem se hîc sentit facundia; & quæ
in minoribus garrula, in augustioribus Nomi-
bus & gestis plerumq; fit muta Eloquentia;
cùm neque parem rei dignitatem, neq; digni-
tati facultatem inveniat. Nec securum est um-
bratile aliquid tantis animis obtrudere, quos ad
grandioris sapientiæ capacitatem, continuo ma-
gnarum rationû usu, magistra potestas efformavit.

Ignorare videtur Hymenæi Vestri magnitudi-
nem, qui privatæ exilitatis decempedâ, præcellam
regnatricis gloriæ mensuram, sperat attingere. Te-
nues conari grandia, vixq; oculos per tot miracu-
la lassos attollere audentes, terret culpa ingenii.
Quibus magnifica augustorum Nominum æstima-
tio pretium fecit, supraq; communem mortalium
conditionem cæli æmulam aut cognatam indidit
vim & eminentiam, altior Majestas; humani co-
natus

natus infirmitas ex nativa tenuitate nil commodabit, sed neq; deteret quidquam. Supra vires est, quod nitimur imbelles; non extra Virtutem Vestram, ô Principes Animæ, quæ ad instar Superiorum Orbium, tacitis fecundatis inferiora influxibus; Vestris mundum volvitis successibus, Vestro motu publicam animatis fortunam.

Pulcherrimum hunc diem, cælesti Hymenæi Vestri auspicio clarissimum; opportunè admodum faventibus Superis, per desideratam hanc animorum Vestrorum conjunctionem, suo proludentibus levamini, læta concelebrat Polonia; in tam multiplicis fæderis sanctitate, felicitatis suæ metiens incrementum, in tam Sacro Serenissimi Sanguinis libamine, firmæ degustans securitatis certitudinem: depulsis nebulis, ferentiora auguratur tempora, quibus circumvolitans corda Vestra Amor lætas accendit faces; pronubiq; conjugii Vestri ignes optatam spondent malaciam. Ejus festivæ circumquaq; resonantis harmoniæ, tota promiscuè applaudit tripudio Europa; vota populorum, venerantium officia, effusas passim gratulationes dulci concinnatas affectu instituit, componit, dedicat.

Pascimur æquè minimi ac maximi in hoc publico lætitiæ sensu mellito Virtutum Vestrarum illicio: recreamur augusto Magnificentiae apparatu, quem connexis explicatis gloriosè splendoribus. Exundantibus ubiq; gaudiis; etiam Phœbo Musiq; addicta pectora, animum pandimus laxamusq; officiosè affectui, quem in admiratione ingentium decorum planè hærentem, cura laborq; circumstat, quomodo studio suo respondeat, magis

autem tantæ rei diuinitatem scripto dictoq; adæ-
quare sufficiat. Attonitum, tantoq; lucis fulgore
consternatum, pallentem juxta ac rubentem, sa-
croq; perfusum horrore, pia gravitas & tantæ Ma-
jestati conjuncta comitas, suavissimis gratiæ radi-
is erigit, spemq; facit trepidæ pietati, templa tam
angusta, tam magnifica Vestræ gloriæ subeunti,
rudeq; aliquid & inconditum meditati, paratam
veniam. Indocili numero, nudaq; prece coli non
dedignantur Superi; si quis puram castamq; men-
tem delubris intulerit. Nec fuit aliquando vitio
etiam falsâ litare Divis molâ, cui Sabæa sacris ad-
numeranda altaribus, thura defuerunt.

Inter votivos gratulantium applausus; cùm pas-
sim lætitiæ causas cuncti expediant: illis inter pa-
res Regno Spes occupatis: his fortunam, tantum-
par sacro jungentem amore, adorantibus: illis ad
auspicia novæ inter gentes bellicosissimas amici-
tiæ tripudantibus: his Principum laudes multipli-
ci panegyri celebrantibus; omnibus fortunatissimū
vitæ cursum, Charitum Gratiarumq; omniū con-
cursum, optatissimum Votorum complementum,
voce conjuncta precantibus: venerabundus ego
angustæ Magnificentiæ spectator, velut è longo si-
tu & tenebris prodiens, quamvis se plena oggerat
lux, mediata saltem pupillâ inusitados hauriam
splendores. Et dum connivente toties palpebra
dividam immortalium Virtutum Vestrarum lumen
ne possim damnare improba vota, vsurpatæ auda-
ciæ; Vester, SERENISSIMI SPONSI, Divinitatis
amulator animus, minima nescius aspernari, illu-
stre quasi signum spei publicæ sublatum; benigni-
us affulgebit; aureum benevolentiae jubar gratius
immitter

immittet: remq; suis momentis æstimare non ignarus, virtutis & fortunæ dotibus spectatissimus, obsequium hoc impar suo Nomine; non pretio, sed religione interpretabitur.

Compos ingentis lætitiæ, dum me ipsum inter tot splendorum cōmercia, capere non possum; materiā quā arte felicior; ut faciam quod debeo, plus etiam quā possum conari me intelligo, si in sola amplissimorum decorum Vestrorum, SERENISSIMI SPONSI, quæ augustam semper Magnificētiā gloriosè explicant, contemplatione defixus, eam principe studio & veneratione coluero. Quid præstabilius ex tenuitate mea commodare Vestræ Magnitudini valeam? hæc si Vobis placuerit, omne tulisse punctum sibi videbitur; digna venire in conspectum omnium, non ingrata hospes ubiq; futura, cui pro innata, quā præstatis, benevolentia, SERENITATES VESTRÆ, indulserint gratissimè pretium ac dignationem.

Magnificum est, quod quid in altum virtus extulit: non auro, non ebore, non argento, ut magnum os mundi Homerus edixit; sed excelsa animi magnitudine, pulcherrimo præclarè factorum cultu, veræ gloriæ splendoribus ornandum. Optimi quique mortalium magnificentia dulcedinem sentiunt, & cupiunt: ex merito altissima quæq; capiunt, illiq; soli possident capaci magnorum operum & decorum animo. Stimulis immortalis gloriæ adacti, tam honesto pascunt animum studio; irrequietumq; vastis cogitationibus cū implent, conceptos ex attritu laudis ignes turbari metuunt; omnia lucis expertia vitant; quia suspecta habent. Sublimes, animæ cælo ut proximæ cellitudine, ita

conditione non impares, luce gaudent, & diffusa
magnitudine. Pretiosa potioris metalli vena, ne-
scit latere, quin se prodatur manifestius, in luce pre-
tium habitura. Gemmarum decus tantò illustrius
conspicitur, quantò eminentius ornat fastigium.
Exaggeratus ad magnificentiam animus, horret
veterum Philosophorum in Zenonis Stoici Porti-
cu, & pertinaci lecta natam virtutem, ut parum
explicatam, tristici; conclusam carcere: beatam vi-
tam gloriosis ac illustribus factis ad perennem no-
minis laudem, non in arida steriliq; virtutis imagi-
ne, sed in nobilium operum æmulatione positam,
feliciter promouet; nescit tamen questuolum, quā-
quam exquisitum, non tam dolandi, quā adulan-
di artificium. Ementita, & ad insanam stolidæ Di-
vinitatis ostentationem efficta, Cossis magnifi-
centia; ridendane magis an dolenda? Orbis judi-
cium esto. Frustra, moles orbium caelestium agi-
tare, Solis cursum promovere, Laniæ labores ex-
pedire, æternas micantium syderum conversio-
nes distinguere, pluere, fulgurare, coruscare, ful-
mina contorquere; frustra adumbrata specie mor-
talis conatus nititur: non respondent Jovis impe-
ria peregrino attributa supercilio. Tot Regum,
tot regnorum opes, opus superstitiosæ pietatis, tot
seculorum molimen, templum Ephelinum; tam
grandis orchestra, ad unius noctis illustrationem
agrè suffecit. Dicite fervido agitata pectora en-
theo: Dianam, Lucinæ tunc officio functam, na-
scenti Orbis Domitori commodasse ignes illos, seu
non invidisse: certius est tripode Delphico effa-
tum: humanæ ambitionis molimina, quò gravius
terram premunt, eò rapidius festinare ad ruinam.

nempe

nempè altiùs tolluntur, ut graviore casu ruant. Virtus quidquid admirandum in lucem protulit, firmam illi securitatem providit, ut stare possit ære perennius. Nescio ignobiliorine studio an eventu clarior; improba Cleopatrarum profusio? regnum illa ad fastum Antonio propinavit: sed turpis magnificentiae opinio, cum haustu unionis evuluit, disperiit. Non potu pretioso; at exercitio virtutis laborioso vera constat Magnificentia. Pyramides immani mole aspectabiles, Colossi, arcus triumphales, Orbis miracula, dum cælo caput inferunt, temporis spoliū fiunt, & exhaustis ad pompam immensis sumptibus, nobilem ruinam in ruderibus quærunt. Quidquid vel materiā pretiosum, vel artificio rarum oculos ludit; quidquid de arte venit, quod vincat naturam; fortunæ pignus est tam firmum, quàm ipsa: tanti æstimandum, quanti (quæ dum splendet, frangitur) vitrea supellex.

Excellentium animi decorum fulgor, origine & cultu cælestis, inde pretium habens, unde vera gloria pullulat, solus veram apparat & auget magnificentiam. Hic mira cunctis animos admiratione rapit, detinet sine satietate, delectat sine fastidio, sæcula vincit sine periculo; senectā formosior, vetustate augustior: saxorum colores pulchritudine premit; ludentibus in serum vellere Smaragdis, illudit gratiā; lucentes per aurata cacumina uniones obumbrat splendore; fulgentibus omni ex parte pyropis nitorem præripit, vastas marmorum excedit moles: ubiq; æstimationem & amorem, vel invenit, vel relinquit. Tam augustā hodie in vobis, SERENISSIMI SPONSI, spectamus venerabundi magnificentiam; hoc se probat

apparatu, sacer VESTER Hymenæus; hunc splendorem gloriosè spargit per Orbem, hunc lætis excipit plausibus Polonia. Quamquam verò Virtus & Fortuna ad exornandam hanc magnificentiam summo studio contendisse, æquis passibus concurrisse, videantur: vincit tamen eximius Virtutum Vestrarum splendor, magisq; oculos & animos in admirationem sui trahit.

Primum Magnificentiae decus, & pars illius portior occurris, SERENISSIME PRINCEPS JACOBÆ. Quàm multa uno sub nomine dixi: quàm grande Magnificentiae Nomen in angustias contraho! quàm augustam gloriæ imaginem, rudi penicillo absolve! Terminos Orbis, gaudentis vel metuentis, famâ & illustribus factis adimplens, quomodo levi coarctaberis pagina? Verùm Tuæ is Virtutis genius est, etiam in parvo nil exiguum, nisi molem corporis referre; nihil exile, præter spiritum tuum ætate confirmatum, exprimere: in arcto indigne magnæ virtutis præferre specimen. Animus ille magnificis destinatus operibus, jam in teneris excellerat artuum mensuram; prius quodam modo capax sapere, quàm aptus: prius doctus, quàm eruditus: perspicacitatem incredibilem, & quendam meridiem intelligentiæ, in ipso velut exortu, pulcherrimè non absq; stupore spectantium explicans. Ita est, meridiem in Aurora spectamus; Autumnum in Vere delibamus; in flore fructus numeramus, quoties magnæ prodeunt Animæ. Nescit tarda molimina faustior Lucina: maturum est, cui cælum nascenti augustius affundit lumen, cui Titan meliori fingens luto præcordia, dignum metatur hospitium, quod suppar incolat

colat habitator animus. Excelsæ Mentēs, Divinæ
auræ portio nobilior, cum virtute nascuntur; non
longo discunt magisterio, ut bonæ sint: neq; cre-
scunt per incrementa in adultæ gloriæ maturita-
tem, quorum genethlia statim fati sufficiunt. Vul-
garium hæc sors est cunarum, magnum nunquam
dare nisi cum tempore, quia in turbam succrescēs:
Heroum genesis in ortu gravida virtutis fecundi-
tate, non jubet exspectari, quod vivere publicæ
salutis & felicitatis interest. Non augebō rem ar-
tificioſis antiquorum commentis: maximum Tu
ipse es, PRINCEPS SERENISSIME, Veritatis isti-
us documentum: ille natus es, qui spēs publicas,
quibus nihil vastius; animos universorum, quibus
nihil capacius, jam tum exaquare. Non potuit
vigor ille igneus, Divūm ab alto sanguine, intra
venas & præcordia Tua defluens, nomen tantæ o-
riginis gerere inane: tempestivè ulsit, jussitq; la-
tentia Magnificæ Virtutis semina erumpere. Glo-
riosa transmissione receptam in Te originem, pri-
scæ lucis non egentem, per augusta deductam cul-
mina, quam invenisti, magnificè declarasti vel ipso
in ortu. Vis quæ ab origine pendet, quanta sit, si
docet Princeps Philosophantium obscure; Tu evi-
dentissimo epicheremate demonstras; quod jam
olim Nazarius observavit: Rapi ad similitudinem
suorum excellentem quæq; naturam; nec sensim
ac lentè promere indicium beati; cum involucra
infantiæ rumpit ingenium. Ipsa ortus Tui subli-
mitate fultus, illum occupas gloriæ verticem, qui
summa quæq; complexus est: ut, quidquid hæte-
nus nostra Sarmatia venerabile coluit, quidquid se-
lectissimum habuit vel suspexit, quidquid augustū

vidit, aut videre & diu colere peroptat; in Tuorum confluat splendorum gratiam. Beata quietos pace non evocabo Manes, ut Tuis misceam laudibus: quamquam non mediocre pondus est, æterna memoria Magnorum Nominum Avi, & Proavi, de Gente Polona & genere humano meritissimorum Heroum: quibus omni titulo majoribus, utramq; Solis domum famâ attingentibus, in testimonium Virtutis & gloriæ nihil amplius defuit, quàm Regium Coronæ Decus, Diadema, Sceptrum & Purpura: non ideò tamen Regio indigni titulo, Regum Progenitores & Majores.

At quis fando, mortalis audaciæ stimulum in obsequium traducens, dignè attingat summam in immensa Virtutum & gloriæ ubertate Majestatem, SERENISSIMUM ac INVICTISSIMUM IOANNEM III. Augustum PARENTEM TUUM, REGEM & Dominum Nostrium Clementissimum, ut Tuæ velificet celebritati? Non domestica tantùm fatiscunt ingenia, sub tam excelso Nomine: cultiores quoq; Nationes, quibus integrum iudicium est, in tantæ Majestatis gloria certatim laborant, ampliusq; laborabunt. Immortalia Tua, ò AUGUSTE noster, in nos, remq; Christianam merita raro pietatis, raro fortitudinis exemplo, ad miraculum Orbis, ad imitationem Principum, ad incitamentum Heroicæ virtutis recta trophæa prouocant ad gratitudinem omnium conscientiam, dum singulorum vota felicissimè absolvunt. Quamquã verò nullum tam plenum ingenium, tam dignam eloquentiam humana industria proferre potest, quæ parem augustis Tuis operibus afferat facultatem:

tem: grata nihilominus benefactorum memoria,
ignobile dedignata silentium, dulci saltem repetet
recordatione sacrum Nomen Tuum, traditura po-
steris. Fuisse Magnum IOANNEM, verè à DEO
missum, qui DEI causam prodigo vitæ spiritu pro-
moueret, stupebit ventura ætas: nec antiquis suos
inuidebit Alexandros, Iulios, Augustos, & tot ful-
mina belli, Tuæ gloriæ, Tuorum gestorum retra-
cta magnitudine. Mereris Regum Fortissime ac
Optime; omnium amores, omnium affectus & stu-
dia, vt dulcius spirent, quò maioribus cumulantur
beneficijs.

Perieramus sæva bellorum tempestate dirum
in modum jactati, cum velut evulsis ab imo car-
dine Scytharum, Cosacorum, Turcarum, & con-
terminarum gentium diluviis, totus ferè in nostrâ
perniciem conjuraverat Orbis, toties ut mori co-
geret, quoties ad ima penetraret; tones novo Pyr-
rhæ sæculo redeunte, quoties post tam infandas
terræ nostræ inundationes, ferream vidimus pro-
dire messem. Tu Numen salutare, cælo demissum
ab alto, rem labantem per tot discrimina rerum,
protexisti, servasti fortiter. Actum erat, & nobis
jam securitas omnis exciderat, nisi quæ
rebus Poloniæ benignior intendit Superum clemē-
tia, Te nobis tempestivè misisset in tutelam.
Sensimus Dexteram Domini labet Tuum, REX,
(usurpare symbolum) sensimus gloriøsè TECUM,
suaviter nobiscum magnificatam, cum ubiq; face-
ret virtutem, ut victrices substerneret laurus Tri-
umphatori, germinaturas, in cordibus aureæ liber-
rutis Polonæ, in coronas. Servatorem Te suum
coronavit Polonia, ut disceret Orbis gratitudinē,

timeret immanis Regnorum helluo Turca Regem
Sceptra moderantem, qui sustinere non potuit bel-
li Ducem arma vibrantem. Post gestam rem for-
titer cum Svecis turbatoribus, Cosacis rebellibus,
Moschis fœdifragis, Tartaris prædatoribus, Tur-
cis invasoribus; pulcherrimo Victoriæ genere, fi-
de & iustitiâ, fortitudine & prudentiâ, consilio &
armis, omnes vincendo: cùm Polonæ securitati
nihil gravius incumberet, nisi quòd proximus ar-
deret Ucalegon; bella Domini contra Ottomani-
cam potentiam, Nomini Christiano infensissimâ,
incendium grave cruore barbarorum sopiturus,
extra Patriam suscepisti, non extra Virtutis ampli-
tudinem. Augusta mens, & ardens honoris DEI
studium, acceptum & gratum quòd fuerit Superis,
probavêre; cùm latissimum ad Viennam campû,
strage Turcica vestirent, ut Virtutem celebrarent;
seu ut vitam, quam DEO & Religioni devovisti;
sanguine hircorum expiarent. Debet Tibi Vienna
salutem, Germania amorem, Bohemia securitatē,
Hungaria libertatem, Christianitas conservatio-
nem, omnes gratitudinem: hâc enim gloriôsè Vi-
ctricia circumtulisti arma, vel effectû, vel affectu;
ubiq; fortunato successu; hos salvando, illos tutan-
do, alios melioris fortunæ spe recreando, erigen-
do. Discite mortali Regibus longas esse manus,
non tantum quæ p[er]iciunt, sed etiam quæ benefa-
ciant. At ô bellatorem stupendum! qui dum in
unico loco bella gerit, ubiq; vincit! ô Victorem
seculis memorandum! qui dum venit, vincit; dum
vincit omnibus prodesse cupit & prodest. Dedi-
stis plautum regna Victori, & meritò; coram quo
ipse Mustapha Vezyrius exsiluit, ut integram Vi-
ennæ

ennæ lætitiâ faceret; seu ut damnoſo terram levaret onere; ſeu ut grandiori paſſu Orco vicini-
or fieret: hoc ipſo, cû neq; optavit, nec cogita-
vit, alterâ manu herbam Victori porrexit, alterâ
laurum victricem Triumphatoris Noſtri altiùs pro-
tulit. Sola hic atra malignorum ſepia ſcriptorum,
livida proluvie ſævit: at quantumvis ringatur a-
tramenti effuſione, candidiorem gloriam diro hu-
more non inficiet. Liliû noſtrum inter has ſpi-
nas pudriùs effloreſcit: inter has cepas Roſæ no-
ſtræ ſvaveolentior affunditur odor: inter has ne-
bulaſ Phœbus noſter auguſtiùs diſpenſat lumen:
Orbe cenſore, iudice veritate. Curſum gloriæ, im-
par Virtuti Triumphatoris Noſtri, hæc remora mi-
nimè impedit; cui nulla vis viam ad heroi-
ca facinora intercluſit. Hoc Tibi innocenti mu-
nito conſcientia, hoc Tuiſ factis maximam appro-
bat laudem; quòd cû benè feceris omnibus, e-
tiam cû impediariſ, ampliùs prædeſſe veliſ; in-
ſigni documento, excellſum animum impellere,
quidquid ſibi ſumma petenti obſtaret. Pleroſq;
mortaleſ, Principeſ non audeo dicere, in rectè fa-
ctorum vellicatione, ſubita capit ſui oblivio, atq; ita
conſtringit, ut in ſolo tuendi honoris obtentu, per-
tinaciùs hærentes, nec alieniſ conſiliis regi, nec ſua
poſſint expedire; niſi acrioreſ animi contumeliæ
inſveti impetuſ, quâ datâ portâ ebullierint; eaq; reſ
ut decuit, expiata fuerit. Altior humana indole
Mens Tua, pectùſque mitiſſimum pariter ac mu-
nitiffimum omni armatura fortium, ſicut pericu-
la quæviſ infra ſe poſita eſſe palam docuit; ita tam
profaniſ impervium furoribuſ, maioreſ pro bono
communi curas in dieſ concipit; ſtudiû iam in-

D

de im-

de impensius rei Christianæ intentum, fides integra, consilia salutaria; constantem evincunt animum. Ad victorias illas, quas Orbis gratus celebrat, extollit, admiratur, & quamdiu rectè factorum perennabit memoria, omnis admirabitur posteritas; imò quas à Superis in pretium consūmatæ virtutis exspectamus à Te; hoc eximium accedit decus; victoria Tui. Si Iulium Cæsarem Civium sanguine cruentatum, ob restitutum Patriæ Ciuem, Tullius DEO simillimum iudicat? quid, si Te præsentem intueretur præsens, si mentem, sensusque, & in tanta potentia summam benevolentiam cerneret; quid inquam diceret? quibus non, laudibus exultaret? Me quidem in Tuarum laudū amplitudine attonitum, omnis artis indoles & industria deficit: maximus virtutum splendor, in summa Maestlate, obruit vim ingenii exiguam: sed Tuorum decorum ingenium est, nisi à Te menturam non habere: in quem virtus & natura, vel congescit quidquid pretiosum habuit, vel exhaust: qui belli pacisque vnus perfectè artes complexus, & Cinem regere, & hostem vincere ex æquo calles & potes; exemplum omnis aui & stupor. Impar ego pumilio Tuis laudibus, non ingratus tamen esse cupiens: Animum Tuum, qui Filius est Cælio, libenter per amplissimarum virtutum spatia investigabo. Regum delictum felicitas populorum, tutela omnium, Victor & Triumphator æternum celebrandus, INVICTISSIMUS PARENS TUUS, SERENISSIME PRINCEPS IACOBÆ, augustæ Magnificentiaæ Tux celsitudinem tenet: quam qui amplius metiri cupit, Cælum consulat: nec enim alio continetur termino:
ferus

serus tamen vtinam ex voto cunctorum, quod pridem est meritis, adeat ille; diu lætus magnis intersit triūphis; hīc amet dici Pater, atq; PRINCEPS: hīc diu posteritatis aspectu & transmissis ad hæredes splendoribus gaudeat: spes omnium & vota prouocans, vel implens.

Habes, PRINCEPS SERENISSIME, exuberantē opulentia gloriæ Magnificentiam ad incrementū felicissimæ lætitiæ, non indigā molis, sed fæcundā laudum auctam copia, & in SERENISSIMA MARIA CASIMIRA, dulcissima Parente Tua, Augusta Nostra. Novus ex isto cælo fulgor ita mentē euerberat, ut, in excellentia lucis tota torpens & hebesens, non audeat ambitiosè in verba prorumpere; quæ non inuenit pro tanta rei dignitate exsoluenda. Tot lucis radij, quot virtutum; tot virtutum, quot gentis Liliatæ decora Te circumambiunt, SERENISSIME PRINCEPS, ad gloriam & Magnificentiam. At quis Archimedes hunc Olympum dimensus est? cui Ptolomæo hæc sidera numerare in promptu est? vitream nonnullus censuit esse fidem, quamquam bis oculatam, ad natiuum, artis commodantem oculum, quæ tam vastam Cælestium luminarium Iliadem ad angustos breuioris numeri contraxit scirpos. Religionem omnem meus excussisse videretur conatus, & Numinum abiēcisse reuerentiam; si in tam ingens spatium effusus, mox longam gloriæ seriem, cui Orbis termini mensuram non ponunt, in strictas conferrem periodos. Loquitur Orbis, Liliati Nominis amplitudinem; & vota seculorum concipit, ut extincto fatali rebus Christianis incendio, inmutuæ pacis & concordia cum cæteris Principi-

bus Orthodoxis adunata studium ; communicatis consilijs & armis, gloriosius triumphet. Publicas agit spes omnium sensus, magnum hunc exspectans diem; nos veneramur in Te, ô Augusta Nostra, innocentes animi gratias, nativum Liliorum candorem, consanguineamq; magnis splendoribus Maiestatem, pulcherrimo virtutum eminentissimarum nexu illecti, lilia in verba vocantes, Tu ipsa Liliū fores; nisi Iuno Nostra, Magna Liliorum Parens, esse merueris. Importunè Mantuanus Vates anxia cogitatione sollicitam vexat mentem; *quibus in terris inscripti Nomina Regum nascantur flores?* Polonia dictis addit verba & rem, Te inspirante, Te dante ingentem, SERENISSIMA REGINA: magnam sui gloriam, spem publicæ felicitatis certissimam, Augustam Prolem Tuam, indice monstrando digito. Flores Regii, flores fragrantissima Heroicarum virtutum suavitate amabilissimi, hæc prouocant vel acuunt studia & voces; quæ interesse salutis publicæ, conscientia generis humani intelligit. Auguramur & speramus, Lechæa gens, leuamen & medelam rebus afflictis, ex tantorum Florum commercio; præsentit ac timet exitium aduersa Poloniæ vis; unitam Fratrum virtutem exhorrescens. Funiculum triplicem difficile rumpi tam verum est, quam sine exemplo, sacrâ approbante paginâ: in mutua animorum Vestrorum contentione, SERENISSIMI PRINCIPES, firmam gloriæ suæ stationem, infractum robur, plenam securitatem, felicitatem perfectam, reponit; imò depolita omni ambiguitate triumphat. Quippe provida commodorum parens concordia, quidquid malignitas obiecerit, magna vice no-

vit

10

vit dissolvere : & dissolvat. Hac indole Principes ex Te geniti, Olympias Nostra, SERENISSIMA MARIA CASIMIRA, Patriæ virtutis & gloriæ hæredes ; tam dignam hæreditatem in se descendentem, nova excitatione famæ, cum immortalis Nominis Vestri memoria ascendere ad Vos facient. Quàm grande Magnificentiae symbolum ! cui veluti machinæ cedit omnis subiectorum veneratio ; dare semper manibus Lilia plenis, desiderio, & cura potiore aduigilans. Matrem te Liliatam etiam hinc Orbis Polonus colit, & gaudet habere, quia Reginam, cuius beneficiis amor debet impendi, quò Parentibus obligamur. Suavissimâ virtutum fragrantia, tam altum attingis, quàm cælum est, non aliunde dignius habitura elogium, studia nostra terminaturum, summæ pietatis in Superos, inferosq; subiectos, amplitudinem, non minore sumptu, quàm devotissimi animi candore productam, pensaturum. Nihil non altum, nihil non sublime, nihil non Cælo par vel egisti, vel agis, Reginalem Purpuram, niueo augustæ mentis cultu, facilitatem & comitatem, gratiam & affectus, bonitatem & clementiam, beneficentiam & boni publici studium referente, pulcherrimè distinguens : ut satis constet Reginam, Nostrâ id vnum amare, quòd cum profit omnibus, ametur ab omnibus. In tanta virtutum gratia, copiosè per omnes diffusa, summus augustæ Maiestatis splendor, capaciiori dignus Orbe & oculo, intra nictantem palpebram concludi non patitur. Transibit, transibit ad posteros diues gloriæ memoria Tui, securâ perpetui Nominis, iam feliciter æternitatem immortalibus ingentium operum

actionibus cuictam occupans. Victuram isto lumine venturam ætatem, Reginalis munificentia animatam luce, & inter efflorescentia perpetua gratia lilia triumphaturam, iam nunc præsumimus. Imò verò viuis liberalissima semper Regina, quæ etiam Mater viuis fecunda; Sarmatiam latitiâ, Orbem spe, hostes metu implendo.

Florete Vos augusti cordis lilia, speciosissimum Regia Coronæ decus, pretiosissima Polonæ gloriæ fiducia, Diuinæ Crucis amor & tutela certissima, veræ ac solidæ felicitatis nostræ argumentum & augmentum, Sacer Augusti Sanguinis Ternio, SERENISSIMI PRINCIPES. Gratulamur fortunæ Regni beata gaudia, DEUM & Superos venerati; ut quàm illis curæ simus, tam à longè tutandæ conseruandæq; Patriæ in Vobis prouidentibus, constet euidentissimè: si Vos diu incolumes seruauerint. O quis Superum nostris oculis, aut verius vitæ concesserit! ut quos DEI beneficio, magno præcellentes colimus & veneramur spiritu, gloriosius erumpentes in Orbis lucem, spectare liceat. Felices, qui omnium splendoribus pascuntur; at neq; nos infelices, qui anhelum ad sublimia in Vobis contemplati studium, publicæ spei auspicia, magna parte attingimus: ex regula Philosophi, Primum Te in tam augusto genere, SERENISSIME JACOBE, mensuram cæterorum iudicantes. Nisi illud etiam certissimam approbet veritatem: nec à Rege Sapientissimo pariter ac fortissimo; nec à pietissima Regina, potuisse quemquam edi non optimum. Non tam fructus naturam sequitur arborum; quàm liberi Parentum virtutes imitari solent, & non vultum tantum, sed
animum

animum quoq; ferre congenitum, communione Naturæ, nedum sanguinem in venas, sed tum ingenij, tum probitatis dotes in mentem transfusas explicando liberaliter.

Et Magnificentia quidem Tuæ, SERENISSIME PRINCEPS JACOB, decora, quàm apud omnes gloriam & admirationem habeant, pro rei dignitate satis explicari nequeunt: sicut difficile est totum Te in paginam referre, qui maior ubiq; es, Tua Te magnitudine attollens, & celsa indole vibrans. Certè si nullum aliunde virtutum Tuarum nobis exstaret argumentum: satis ostendisti, qualis esses, cùm apparuit in illa innocentissima ætate qualis esse velles: pius, doctus, sapiens, bonus, amans Patriæ, veræ Fidei cultor: nihil infra Maiestatem, omnia pro dignitate Tua agens & cogitans. Nec verò aliud velle, aut cogitare poteras, qui vota Regalia SERENISSIMORUM PARENTUM abundè intelligens, ubiq; similis eorū esse cupiebas: ut ex Te sciremus; nullum esse præstabilius aut pulchrius, nullum maius aut optabilius munus Regum in suos Ciues, quàm Sanctus, & sui simillimus, Regio Sanguine cretus Princeps Filius: pulcherrima omnium decorum specie non priuatorum tantum lætitiæ augens; sed communis felicitatis sponsor, publicam expectationem non vano lætans augurio, & attollens. Talem Te esse oportet: quem vota publica circumstant: talem nos veneramur, inter concentum omnium laudum, omniq; gloriæ, pulcherrimam Maiestatis & virtutis concordiam, iam ab ætate illa teneriori in Te effulgentem admirati. Quem illa vultus grauitas, & in grauitate comitas? quem oris decor,

& in decore dignitas? quem totius corporis venu-
stas; & in venustate integritas, non moveret? Illi-
cis his omnium amores possides: hoc splendore
Tuam auges Magnificentiam: non sine stupore in-
quirentium & tormento: Naturane, an par Tuæ in-
doli educatio plus Tibi tribuerit? Natura quidem
satis conscia periculi, quasi ad amoliendam à se pu-
blicam inuidiam, tam liberaliter omnes suas opes in
Te effudit, ut se exhaustam fateri non erubescat;
publicæ considerantium disceptationi ambiguum
proponens problema: nobiliorne natus sis, an
ingeniosior? Nodum tam difficilem Tu ipse redi-
uius Macedo virtute laboriosa soluisti, ut vota
Orbis impleres. Meliori Cælorum auspicio viam
disponente, ut benè institueretur, cui nasci felici-
ter contigisset: cum supremum, quia Regium, Augu-
sti Parentis arbitrium eò inclinaverint, ut illum Ti-
bi Phænicem providerit, qui ætatis teneritudinem
fovere, & capacissimam ad omnia mentem prudē-
ti regimine futuræ fortunæ disponere sciret, iam
tum sua se virtute, non externa ope probantem.
Scilicet magnæ mentes cælo deductæ cum sint, nec
studio impares fieri volunt vel progressu: nihilquē
humile agere natæ, efficiunt ut vis illa multiplex,
atq; vigor in omnem partem gloriæ promptus &
vividus; congenitus sibi, seu infusus ab alto, ad api-
cem usq; humanæ dignitatis semper emineat. Æta-
ti ne fieret iniuria, modico præditus corpore, ta-
men ad virtutis mensuram, iam tum Animus & vis
Herculeæ, sustinendo omnis doctrinæ & scientiæ
suppar cælo; illud excesserat: dum nihil puerile in
moribus, nihil leue in percipiendis scientiarum ar-
canis; omnia Te digna, Tibi consona ageres omnia.

O Di-

O Divinam indolem! quæ animo vincēs ætatem,
illas duxit à teneris lineas, quibus pulcherrima om-
nis elegantiae effigies inclusa; non Te inferiora se-
cutum ostenderet. Non tam Alcibiadem suo So-
crati, non Alexandrum Aristoteli, vel Gratianum
Aulonio, quàm Te, PRINCEPS SERENISSIME,
Tuo Arsenio Alumnum gratulamur; promptitu-
dine, docilitate, applicatione dignâ inter prodigia
censeri. Hoc verò omnem admirationem exce-
dit: vbi cæteri vix audent cursum studiorum ordi-
ri; Tu emensum inter doctas curas, & eruditas co-
gitationes terminâsti. Nec facilis coniectatio est,
maiores felicitate fuerit, qui tantum Principem
doceret, quàm fuerit indole, qui disceret Princeps:
utraq; tamen arcano sociata nexu constitit, etiam
tum gloriæ Tuæ velificante summa virtute, & sū-
ma felicitate. Peruenisti his ducibus, his comi-
tibus ad fortunatas bonæ mentis insulas, occupâ-
sti doctarum opum Colchidem, auexisti aureum
pretiosæ eruditionis vellus; pretium regno Orbiq;
futurus. Iuisti per veterum monumenta virorum
passu Heroico, ubiq; prælucente illustrissima iudi-
cii face; bonorum virtutes redamando, impro-
borum vitia detestando: humanæ vitæ mutatio-
nes varias, & rerum in ea conuersiones seriò ex-
pendebas; imperiorum præcipites casus, fatales
periodos diligenter considerabas; quæ in vita fur-
gienda, quæue expetenda sint, intimè complexus;
vt spem augeres publicam; hinc decerpta exem-
pla, Tuorum fore operum efficacia documenta:
à quibus vita pendet populorum & salus. Nihil Ti-
bi iucundius, quàm versari in cognitione rerum
gestarum, & memoriæ veteris; quàm Rerum publi-

carum, Regum illustrium facta ac ordinem perno-
scere; quàm his pascere mentem deliciis, in decus
& subsidium regnorum. Quæ ab Assyriis, quæ
ab Ægyptiis, quæ à Persis, quæ à Medis & Græcis,
quæ à Romanis, quæ antiquo præsentiq; seculo cõ-
fecta sunt bella, non tam benè descripta, quàm Ti-
bi cognita sunt: virtutis & laudis stimulos capien-
ti. Locos omnes simul intueri; infinita temporũ
spatia peruagari; multorum hominum mores, vr-
besq; lustrare; situs, positiones regionum, leges,
iuraq; gentium; præ oculis habere; formas regimi-
nis & modos comprehendere; studia imperitanti-
um & arcana evolvere; imò quidquid veræ virtu-
tis & gloriæ censum commendat, in complexu,
auribus, oculis habere, tam tibi volupe ante fuit;
quàm nunc est ex usu, & decorum. Gaudent li-
teræ & populi, inde Te succum & robur veræ glo-
riæ traxisse, unde Licinius Imperator pestem luxit
ac furiale virus: atq; summâ circumfluentes læti-
tiâ, aliquid amplius concipiunt, in quod vota sua
& studia extendant.

Mihi verò Magnificentia Tuæ cultori venera-
bundo, liceat in præteritum diligentiam mittere
curiosam: quamquam Divinum quid in Tuis fa-
ctis elucet, ne quidquam dici præteritum possit;
cùm nemo unquam alium Te viderit: eundem vir-
tutum cum laude tenorem ubiq; servantem, omnes
admirantur & celebrant. Prima tamen Iuventæ
effata sacram reposcunt memoriam: ex dignitate
fatis laudari vix possunt, si recenseri omnia neque-
unt: at illa sunt, quæ vel animam Tibi decerptam
ex mente Livina insedisse, vel habitare DEUM sub
pectore casto evincunt. Equidem vos Principes,

augu-

augustius mundi nomen & decus, arcano naturæ privilegio, imò altioris providentiæ destinatione, ab ortu illam trahitis magnificentiam; ut vel Cælum pulcherrimis distinctum splendoribus esse mereamini; vel quò nihil illustrius, Solem agere non desinatis. Principes Cælum si dicimus; excellentior his assistit motrix Intelligentia: si agnatam Principi luminum Soli referunt maiestatem, Diuiniore naturæ portionem habent. Cogitari si quidquam eminentius proferriq; posset, vltro Tuam Panegyrim ambiret: nisi ex cælestis oris Tui sanctuario magnificentius prodeat; cum limpidissimus illustrator animus, per tot oracula sui simulacrum prodat; non æquè ab omnibus laudandus. Clarissimum est plura Te fonte intellexisse, quàm discendo acceperis; iam olim loco, tempori, personis, rebus, sine Magistro apta & erudita dantem responsa. Si, quæ justam vendicant voluminis capacitatem, hæc brevis pagella comprehendere posset; quàm libenter triumpharet in hoc nomine: nunc saltem illud, quod augusto sapuit genio, & palato INVICTISSIMI PARENTIS, inter cætera innumera; cum, quâ religione in Superos, quâ pietate in Progenitores, quo cultu animi instructus esses, palam faceret, gratissimâ libet reponere memoriâ. Pòëta hætenus vsurpabat: iam Tuum celebrabitur illud Lemma:

Sapè premente DEO, fert DEVS alter opem.

Hoc illud est, quod Tuam supra ætatem, non supra indolem, prudentiam; supra expectationem audientium, non supra Tuum animum, numerosissimis excellentioris ingenii decoribus instructû, in hac vna sententia, velut in vnica gemma totum

Parnassum artificiosè efformatum commonstra-
uit; non sine admiratione sciscitantium, quã Ma-
gnus futurus eras, qui iam animo longè excessisses
ætatem. Iam si quisq; ita loquitur, ut mens imbu-
ta est interiùs; nec oratio dispar moribus inueni-
ri potest: quantum bonum in Te situm fuerit; co-
gnoverunt, qui magna ex merito non nesciunt æ-
stimare. Magnitudinem Tuam non melius, quã
in hoc speculo cordis metiri licuit; ad calculum
tamen revocare ne ipse Archimedes suffecisset.
Mens ista cælestis ad similitudinem sui reflexa, co-
gnati decoris cùm aliquid indulgisset, totam se si-
mul explicare non potuit in specie sensui debilio-
rî; quæ Maiestate sua grauida, seculorum expectat
mensuram; pulcherrimè tum etiam augustis præ-
ludens moliminibus; in laudabilis vitæ, ac perfe-
ctæ adoræ auspiciis. Quod fata vocant, expli-
caturus excellentis naturæ magnificentiam; i for-
tunatus ad quarendos immortalis famæ titulos;
Diuis benè iuuantibus, feliciore cursu prouehere
in altum gloriæ, præclarissimis actionibus grande
nomen æquaturus; tempestiuè doctus; quibus ar-
tibus animos & regna possis occupare; probè cal-
lens quid in vita optimum; quod Regiæ mentis
decus eximium; quod utriusq; fortunæ stabilimē-
tum firmissimum. Hoc denique est pro dignitate
Principum sapere, nihil præter honestum cogita-
re, nihil in bonis numerare, quod virtuti non sit
coniunctum. Hæc est illa antiquis commendata,
non tam Platone Auctore illustris, quàm in consti-
tuendo Rerum publicarum optimo statu punctum
ferens, Philosophia: hic publicæ felicitatis gra-
dus & summa: pia sanctaq; suorum Principum iu-
uentus;

uentus ; excultus ad omne decus animus, & è rudimentis naturæ ad absolutam virtutis perfectionem, honestæ eruditionis quasi manu ductus. Qui Tua hæc cogitata dictaq; exactius cognouerunt, Medullam Te sapientis animi, Cor Patriæ, Religionis Ancile, & quouis eminentissimo parem titulo celebrabunt : mihi verò rudi & inculto virtutum admiratori, dabitur veniâ, dixisse : dignum Te Poloniâ semper fuisse, & esse Principem. Præcellus animus Tuus eam à disciplinis lucem accepisse creditur, quæ natiuum non infuscarer splendorem, sed augeret; ea Maiestate, ut dum exoriri censeretur, iam plenus in auge spectaretur; tantò venustius, quantò agnata virtutum lumina intimius adscisceret. Nec indignum suo nomine opus : parum enim est serenum eruditionis explicare ; nisi ad absolutam splendoris Magnificentiam probitatis fulgor illucescat. Hoc par eximium, fratres Helenæ, lucida sidera, tam prosperum gloriæ Tuæ cursum ante prænunciârunt, quàm nunc faciunt ; amabilem omnibus exhibendo ; illa probantem, illa sequentem, quæ expedirent, at maximè quæ licerent atq; decerent. Et hinc venit augustioris fortunæ honos, quò nominis æternitas comparatur : hæc est lux non desultorio ludens fulgetro, sed pleno & amico populis vultu arridens ; ita, ut cum amplitudine sua latè compleat loca & tempora ; præsentibus sit amor, desiderium absentibus.

Magnificentia porrò Principum, potentiâ, opibus, & vasto stipantium comitatu instructa, multum quidem splendoris continere, sed minùs fida, creditur ; quam malus interpret rerum, neq; fir-

mus coronarum custos, excipit metus: certior est, integritate, prudentiâ, ac veris animi bonis excitata: digna ab omnibus coli, foueri, diligi. Discimus ex Te, SERENISSIME PRINCEPS, Tui æstimationem, ex magnifico, & placido fulgentem; qui probè didicisti, Principem æstimari, non ventoso fastu turgentem, non indulgentis fortunæ strepitu insolescentem; sed exquisito illo bonæ mentis ornatu, modestiâ, sapientiâ, animi magnitudine, probitate, humanitate, & longo virtutum, rectèq; factorum ordine inclarescentē. Propria sunt hæc Tua decora: quibus quid pulchrius ad aspectum? quid gravius ad Maiestatem? quid efficacius ad amorem? quid augustius ad Magnificentiam? quid illustrius ad splendorem? quid ad perpetui nominis conseruationem præsentius? Non errasti; cū hoc iter ad gloriam delegeris: per hoc eundem, non per annos, ad immortalitatem sapiente consilio, dignâ Principe industriâ & constantiâ decreuisti, Orbem in testimonium aduocans: *Non esse mortale, quod optares.* Numerosa virtutum Tuarum corona, suffragium æternitatis secura habet, quæ iam miros animorum ciet motus, ut in sui amore teneat. Magnum Te tui veneramur, prædicant omnes: at si magnorum corporum indoles est, prolixiores umbras iacere; ut quò ipsa non perueniunt, sui testem imaginem protendant: quid de Te censuero? Percussa tantâ Maiestate contemplatio, humi serpere assuetam exilitatem umbras legere iubet, ut ex harum dimensione, altitudinem Tuam quoquo modo intelligat; summa virtutum Tuarum capita recensendo. Seculorum negotium est, quantus es, totum Te proponere.

ponere: mihi non indecorum fuerit, Iliadem hanc nuci velut includere: si pretium in Te & à Te, qui dicentibus de Te plùs claritudinis addere, quàm accipere possis, habuerit.

Non latet in recessu, sed augustâ in ora oculos: què omnium incurrit Majestate, trahens in comitatu, quidquid heroicum est, quidquid magnificû, virtutum apex & basis Pietas; principe studio, & intensiori animi ardore, tantò effusius adamata, quantò iustius Majestatis titulum vsurpat, Principe non imparem. Tenerior adhuc (ignosce PRINCEPS PIENTISSIME, toties repetenti, vnde magnificentiae opus laudabiliter inchoasti) tenerior adhuc, vt absolutam Principis Christiani imaginẽ in Te efformares, ad veræ pietatis archetypum, scrupulosius intendens, ea duxisti lineamenta, quæ dum oculos intuentium delectarent, simul cordis intima penetrarent; in delicijs omnium habita, à Te solùm, expectabant perfectionem, vel à Superis. Tu quidem rem Tuam egisti seriò, & agis hucusq; non iam quater, ut quondam suo Ialysto Protogenes, vetustati & injuriæ temporum illusurus, repetitum inducens colorem; in dies, in horas, in momenta, perpetuum solidas opus immortalis conatu, & studio: sed etiam Cælites operi adstipulantes, dum ultimam apponunt manum, iam magnificè tinctam Tuam proponunt purpuram, & ideam. Spectans omnia ab alto rerum arbitramens, seu Divinitas, momenta meritorum ex æsse perpendens, librans, examinans, ornans; tantò copiosius pulchritudinem imagini Tuæ affundit, lucemq; intendit; quantò diligentius seruatur, quantò dignius colitur. At exaggerare vel percerere nu-

re numerando illa, quæ constanter in DEUM, Di-
uosq; retines pietatis studia, vetat illa ipsa pietas &
modestia. Quid? me tacente, illæ ipsæ primis vi-
tæ surgentis ab annis ad Sanctimoniam & sapientiæ
fastigium progressiones, quàm sonoro gloriam
Tuam concinunt modulamine! De Te, quod de
Philippo Hispaniarum Rege sub symbolo Solis o-
rientis, largè per Orbem natiuos vel in ortu dispē-
santis splendores, rectè dici iam olim potuit: *Mox
illustrabit omnia.* Clarissima enim dederas indicia
futuræ claritudinis, ut verum esset, quod sponde-
bat indoles: rigidus in omnibus exactor, ubiq; pu-
ra mente præsentem Tibi semper secutus DEUM,
pleno augustæ Magnificentiae radiasti Orbe: non
tam famæ publicum de Te loquentis præconium,
quàm rectæ conscientiae testimonium appro-
bando.

Profanū illud pietatis dedecus; fucata, totq; cerus-
farū generibus referta, an potius incrustata, omni-
um horarum religio, imò DEUM spernens devo-
tio; quam pleriq; Mimici Sinones, latere dissimu-
lantes improbitatem, pro Palladio mentiti, scelerū
atq; impiorum factorum nutricem, obtentui su-
munt; ut fucos vendant, oculis glaucoma obijci-
unt: aut veriùs ut hoc thyrso mentes humanas per-
cutientes, (ne fraudes, affini virtutis specie luden-
tes excutiant) locum parent ambitioni vastiorē:
hoc inquam, ludicrum nunquam illimi Tuæ illu-
sit gloriæ, in tanta veræ pietatis luce cum lacte san-
ctè infusa, omnes tenebras damnante.

Quamquam publica religione consecrata vir-
tus, nulla priuata indigeat laudatione; summam ta-
men esse, quæ pro hac suscipitur, rationem, Iura
euincunt;

evincunt; nos in Te lætamur exemplum inuenisse,
qui eam, vitæ Tuæ, spei & exspectationi Regni
præposueras, cum publica poscebat necessitas. Ce-
lebre tur, ut lubet Romana quondam pietas, gen-
tium aucta superstitione, an spoliis? ut omnia post
religionem poneret, pridem illa euiluit in plures
dispersa: nec legimus unquam arma sumpsisse, ut
hæc conseruaretur: quantò Tu illustrius Nomen
Tuum extulisti; rei Christianæ, veri DEI cultui,
nobiliori quàm Decii exemplo devotum: non
satis arbitratus ardere domi pietatem; ut etiam ex-
tra luceret, extra fines Patriæ Cælitibus litare vo-
luisti: animamq; innocentissimam pro religionis
conseruatione, pro fidei defensione paratam tuli-
sti, eò ipsò meritis vivere diutissimè. Viues, vi-
ues; quem fortis manus Domini sustentat, sortes
Tuas dispensans & promouens. Non iam ex la-
cteo illo historiæ fonte haurimus dogma: Omnia
prosperè euenire sequentibus DEUM: sed ex Te
ipso exemplum. Tu, SERENISSIME PRIN-
CEPS, insigne deuotæ mentis argumentum, ex de-
victo hoste victimam, victori à ligno CHRISTO
DEO, primitias victoriarum primo omnium Au-
ctori dedicans. Machina illa horaria pleno pie-
tatis affectu Crucifixi imagini substrata quid aliud
sonat, quàm animi Tui summam deuotionem;
sed cum Tu dirigeres: nunc jam arbitrij Divini fa-
cta, digito virtutis DEI commota, quid nisi felicia
tempora, gemmeas horas, aurea momenta polli-
cetur & facit. Ad pretiosam hanc honoratæ ad-
missionis clauim, instrumentum felicitatis, signū
salutis; vita, fortuna, gloria Tua deposita; integri-
tatem, valorem, & magnificentiam quidni habe-

at? Ita est prona in DEI cultum pietas in hoc symbolo, & metitur dignitatem Principis, & spondet securitatem; felici & forti DEI manu fortunam disponente.

Perennem felicitatis cursum certiùs ex hoc auspicio, quàm ex oscinis cantu, vel solistimo tripudio, licet interpretari; Te etiam ad hunc beatitudinis indicem Tuas moderantem actiones: cum quidquid agendum suscipias, ab eo, qui solus donare potest omnia, agendi capias exordia, ut opus feliciter perficias: quidquid agis, in hac devotionis exhibitione deprehenderis, ut optatum teneas cursum: si consecutus es, quod postulasti; culmen gloriæ reputas, uni DEO omnia accepta referre, ut eum Tibi devincias ampliùs. O animũ verè Heroicum! verè integritatis thronum, regiam innocentiae, aditum sanctitatis! ô mentem in omnibus laudandam, in Te stupendam!

At illud quibus laudibus efferam? qua dignitate sermonis decorabo? quid hîc dicam, ubi dici & videri abnuis: dicam tamen, quod tacere non possum, neq; Tu tegere. Cum plurima devotæ mentis exhibeas argumenta, totus tamen in eo es; ut sollicitè intendas, ne quod DEO tribuis, ostentationi tribuere videaris: utcunq; fugias, vera solidaque sequitur gloria, quæ jam Te Possessorem suum concelebrat. Quæcunq; solâ conscientia teste agere volebas, occultando toties diligenter, ne emanarent; eminent & emicant, velut Solis radij ex interjectis nubibus, vehementius excitando sui desiderium apud omnes, tantò conspectiùs in se spectantur, quantò curatiùs custodiuntur: per erumpentes occlusi luminis radios, latentem proferendo in

do in publicum amplitudinem. Lucet accensa
lampas tantò clariùs, quantò magis tenebris cir-
cumuoluitur: neq; carbunculi speciem nox intē-
pesta extingvit. Imò hæc indoles est eximiæ vir-
tutis in terris, quæ in cælo siderum: per tenebras
radium sui facere, quæ pleno Sole fugiebant aspe-
ctum. Quæ verò illa nox? quæ tenebræ? quas
tot illustrent suo astra matutina decore, uberius
luminis indices optimi. Vultus, frons, oculi, arca-
num hoc, quod Tibi soli seruire cupis, luci pu-
blicæ non possunt invidere: quantus sit splendor
ille, qui tam culta sui imagine velatur, intento ve-
luti digito demonstrant. Quod comprimis mo-
destiâ, ne exeat; iam summam occupavit celsitu-
dinem, ut appareat: tot fulgores, quot pietatis
decora emittens, in luminis intus compressi cer-
titudinem. Charitas in Patriam, DEI Amoris
scintilla est non postrema. Pia in AUGUSTOS
PARENTES veneratio, & prompta parendi vo-
luntas; amor in SERENISSIMOS FRATRES,
prona in Mystas DEO dicatos inclinatio; sacro-
rum locorum observantia; digna Procerum æsti-
matio; in omnes propensio; radij sunt: sed cum
ipsa DEI immortalis religione, prima luce coniū-
cti; ab hoc suauissimo luminis fonte delibati. Nō
possunt res tantæ sine adminiculo Numinis stare,
loquitur magnus ille Romanæ sapientiæ Professor
Seneca: maiore sui parte illic sunt, unde descen-
dunt. Multi quidem hoc idem facere videntur
sed alia mente: nempè ut vel cum Tiberio Maje-
statis Numen inducant; vel cum Nerone illudās;
vel cum Domitiano vanissimum capiant titulum.
Tu Major his, sed sine ullius diminutione major,

ita Tuam explicas Magnificentiam, ut sine contumelia Numinis, sine suspitione ambitionis, sine metu Civium, pium in omnes geras animum : & quæ alijs exhibes, ab omnibus habeas; amorem, honorem & reverentiam. Ex quo manifestum est, humiles & abjectas illorum Imperatorum fuisse animas : Tuam sublimem. Tollebantur illi vanissimâ præsumptionis aurâ in hoc tumidæ estimationis altum : cum suspiciendos sese putabant, suspecti timebantur : subjecti aliquantulum ceratâ assentationis pennâ, tam firmiter hæserunt, quam ad omnem aëris meatum ire facilis fatui ignis constantia; lucis demum tantum sparserunt, quantum fuligo cadauerum, quæ consueta lambit indole, subministrat. Divinior Te cura & lux fouet, quam ritè colis, ut cum ea momenta Tua transigas: nō irritō conatu, in eam provectus gloriæ sublimitatem, quæ omnes pietatis numeros complexa, secura sit famæ perpetuæ : nunc iam suscipientibus literis, imò omnium amoribus necessitatem; tantæ dignationi publica professione obsequendi. Tu verò inter hæc tantam præfers animi constantiam, ut summa famulantium obsequia, novarum facias virtutum incrementa, maiora laudum argumenta. Quot comissimæ benevolentia, integerrimæ fidei, humanissimæ affabilitatis, paratissimæ facilitatis, & omnis bonitatis; quot, inquam, veneranda dederis exempla? Sentiant, qui tantæ suavitatis copiam quotidie hauriunt; nec prædicare desinunt excellentius. Gestienti animo excipimus, apud Te faciles aditus, aures patientissimas, placida responsa, vultum ipsum augusti decoris hilaritate permixtum, vnumquemque inveni-

re. Con-

re. Constantini fuit iste spiritus, suus ut prædicat Encomiastes: sed iam transiit in Te, PRINCEPS. Hoc temperamento fortunam scis moderari, ut quantò sis loco cæteris præstantior, tantò Te benigniorem esse debere iudices; cum cuncta benevolentiae munia sic exerceas, sic perficias, tanquam hæc sola professus, non aliunde fecundiorum laudum Tuarum habere velis materiem, quam à Civium amore. Quod verbis asseris, facta comprobant: nec os à corde, nec vultum ab animo dissentire observatum est. Hoc Tibi ex usu, quod optimum est: humanitate devincire, non Majestate perstringere; facilitate allicere, non asperitate detertere adeutes. Nescis faciem corrugare, ut metum injicias petentibus; si compellaris: non ad desperationem compellis, quorum intelligis desideria; at reficis voluptate adipiscendi. Nullum vidimus Tua consternatum austeritate; nullum audiimus ad vocem Tuam pectus suum suspiriis laxasse: nulli lacrymas excussit obducta supercilio frons Tua: nullus fastum, popolare grandioris fortunæ vitium, damnavit in Te; cui probè cognitum altius inhæsit dignum Principe dogma, iam olim usurpatum à Traiano: Male vim suam aliorum contumeliis experiri potestatem. Assyriorum ritus; demersam tenebris Majestatem, cubiculorum ordine tueri; longo expectationis tædio supplices submovere; spes torquere, vota discruciare; apud Te nec auditus, nec admissus: de proximo serena contueri ora, placidam adorare Majestatem quotidie licet. Non magis communem hanc diem, dieique lucidissimam Pharon, mundi ocellum, in suprema cæli arce

locatum Solem liberè, quam Tuum vultum intuemur. Dignus es; ut emineas omnibus, qui Te ad singulos demittis; non tam reverentiam de longinquo, quàm amorem ubiq; inlolidum possidendo.

Peruerfa illa reputationis sophismata: probitatem odisse, mansuetudinem & humanitatem exuere, nullius amicitiam, omnium admirationem, metum, ac desperationem; paucorum verò studia velle; illos despiciere, hos reiicere: tam Heroico rejecisti animo, quàm Tuæ indoli inimica sunt. Viles & affixæ terræ animæ, nimis fatiscentes (teste Plutarcho) infusam potentiam non continent; sed foras diffuunt, irâ, odiis, affectibus, arrogantibus, ineptiis: Tu totus in grauias compositus, in frōte modestiam, in oculis clementiam, in ore verecundiam, in toto corpore augustæ virtutis speciem, stupentibus cum voluptate proponis spectandam. Imples vota, spes absoluis, auges lætitiā, vincis animos, dum Te profundis in humanitatem & benignitatem; sed ampliùs admirandam, explicas magnificentiam.

Quid hîc agam ore tenuis? crescit Oratio seipsâ maior, quia in Tuo nomine virtutibusq; exultans: quò magis progredior, eò vastiori mole cōclusum me sentio, non tam exitum, quàm progressum expauescens: conari aliquid inconditum periculum est: procumbentem demissione stylum ad sacram benevolentissimæ gratiæ aram litare, tam gloriosum, quàm pium est plurimis edocto exemplis: in Te inueniri, & quod à Tuis ametur, & quod timeatur ab hostibus. Amamus & colimus piissimum Principem, quem fortem in bello

Herò.

Heròem timent aduersarii : claris scriptoribus admirabiliùs gesta Tua æternæ famæ tradēda procedentibus. Quàm verò dignis gloriæ splendoribus augustam locupletent magnificentiam ; animi altiùs axaggerati magnitudo, ignea vis ad omnem Heroicæ virtutis occursum intenta , Regiæ Polonis artes ; ne quidquam mora ætatis præpeditæ ; breviter expediam. Timete Bizantina monstra **PRINCIPEM** nostrum, ne Herculem sentiatis : hausit cum sanguine Heroicum Magni Avi & Proavi spiritum ; gerit augustum Maximi **PARENTIS** animum : bella Domini pugnabit fortiter ; ex Domo fulminum prodiens ; aget rem viriliter, vrgebit feliciter, quò pulcherrimus exemplorum sanctitate ad suorum similitudinem provocatur 'genius : procumbite gratiofo, venientem adorantes, ut stare possitis ; ne vindicem proterviæ iram in Victore suspicientes, turpi ter profugi, turpiùs cadatis. At surdis fabula canitur. Immani tumentes fastu, portentosum ostentantes virium robur, furenti feroces audacia ; leges ferro scribere docti , & nunc præstò habere arbitrati ; hereditarii Christiani nominis hostes, juris humani prædones capitalissimi, humanam exuerunt indolem, inter belluas numerandi, nulla arte circurari patiūtur : omnia suæ libidini, omnia furori pervia rati ; audēt, quod libet, & faciūt : quod audēt & faciūt, debere sibi putāt, apud quos stat pro ratione voluntas ; indignū cēsentes vel ferre parē, vel agnoscere superiorem : sic de principatu Orbis laborant, tanquam plures tanta terrarum spatia ad fortunam imperii non admittant. Ergo Mustafa Vezyrio, rupta fæderum fide, palantes per

Hungariã, Bohemiã, Germaniam exercitus, quodam quasi diluvio & inflammatione corripiebant: omnia elati primo progressu; jam Austriam, vicinas gentes, nationes, totum deniq; quã latè patet Romanum imperium ad possessionem; jam Viennam, atq; præclaras quasquẽ vrbes ad incendia & prædam, Ciues ad cædem, Provincias ad deuastationem, Principes ad internecionem notabant: omnia impotenti licentiæ subjecta, sanctissima penetralia impiis manibus admota, aras sacrilego conatui; relictas credebant: iam sacrum Imperii diadema, turbinato Machometicæ superbiæ vertici, blasphemis execrationibus implicare destinabant: cum spe sua delusi sunt; de culmine arroganti deiecti, nouum Orbi daturi paradigma, si necdum didicit: Quid sit ante Victoriã canere triumphũ? Sæuas quas agis in Viennam Erynnēs, breui senties ipse Vezyri: qui tot imperia concutere, euertere, ac velut uno spiritu diffilare cupiebas, mox dirum hoc virus in tua conuertetur viscera, ubi Sol supra Clypeos resplenduerit. Fuge dum vis: sed si fugias, quĩ vivere poteris? virus diffusum per artus cum felicitate tua cõcoquere, Luna nõ poterit: Solem exspecta, vitam habebis: orientem in latifundijs & montibus Viennensibus adora. Geminatus est, prodigium virtutis & gloriæ specta; vel si vitæ cupido incessit, prono poplite, radios benevolentiae dispensaturum liberaliter, excipe hilariter.

Qui se hominẽ nõ agnoscit, nisi omnium summum; cuius ambitionem terra non capit, nisi oppressa; mille Christianorum cladibus, dirisq; exemplis elatus; libidine regnandi excandescens, orbis
spoliis

spoliis & rapinis cruentus ; proiectâ seruiendi deuotarum leto animarum septus patientiâ Musulmanus ; naturæ suæ duntaxat se se librans inclinatione, se solum adorat ; nihil non arrogans ; nihil non tumidum, nihil non ferox cogitat. Aureos sibi somniat montes, Viennam dum oppugnat vehementissimè : non ipsi Neptuno compedes, vt olim Xerxes, ast cælo ipsi tenebras minitatur ; densa militum, ac pænè dixerim legionum examina ostentans ; ad pedis pulsum, velut ab inferis erūpentia : in alto circumvolitat, & sublimi se vertice ferire sidera putat ; cui vastata Pannonia procubuit, finitimaq; regna viam dederunt : ad cuius aduentum tanto terrarum tractu Austria trepidauit : cuius Latomias tot captiuorum millia repleuerunt, catenis onerata, illuvie obsita, fame, siti, cædibus enecta : atq; ad explendos crudeles oculos, partim vertendæ telluri vallis construendis aptæ addicta, seruili flagro ad necem cæsa ; partim more iumentorum ad oppugnationem acta ; equorum & militū pedibus proculcanda. Quæ quidē reputantibus non horror modò totum corpus cōcutit ; sed gravis etiam dolor animum percellit : ille tamen exscindendæ Viennæ, quam animo devoraverat, intentus, omnia pro furore insano & libidine agit.

Tam atrox hostis, tam grave bellum, principium Tibi fuit bellorum, PRINCEPS FORTISSIME : hic finis adolescentiæ ; hæc prima militiæ rudimenta. Quàm immensi res operis & laboris ! nisi in Divinam INVICTISSIMI PARENTIS prudentiam ; Tuam indolem summarum actionū & imperiorum capacissimam incidisset. Ne verò

timeremus, alternantem rerum humanarum vi-
ces, fortunam; quæ tanto periculo, tantoq; pretio
præmium victoriæ mercaretur: Heroica virtus
Vestra, humanas cogitationes prætergressa; omni
fortunæ potentiâ maior, effecit: eò ipsò securior,
quia meliori, imò optimæ coniuncta causæ, nem-
pè solius DEI & Fidei. Sancta & fortunata bella,
quæ non ad alicuius ambitionem aut libidinem re-
gnandi explendam; non ad impotentia ac furoris
vim exserendam; sed ad veram Catholicæ pieta-
tis religionem defendendam, attollendam; finiti-
mos iuuandos ac liberandos omni periculo, susci-
piuntur. Qui hoc Palladium fortiter, ac fideli-
ter tueatur, quotus est in orbe Hector? qui huic
discrimini promptè se se obiciant, vitamq; impē-
dant, quot numeramus Curtios? Tu PRINCEPS
MAGNANIME sancto incalescens ardore, gene-
rosi pectoris flammam concepisti; non alibi, quàm
in barbarico Machometanorum cruore extin-
guendas; an potius acuendas atq; fovendas? Eti-
am Achilles, quamquam Thetidos deæ Matris ar-
te & beneficio securus, ætate validus & robore,
Troiani excidii fatum, infra animi virilis demissi-
onem, formam simulat & cultum, ubi petendum
Ilium. Quantò Tu generosior, audentiorq;, qui
annos non exspectans ad primum belli Turcici
classicum, primâ militaris gloriæ ingentem ani-
mum implevisti æmulatione! Conferrem Te, nisi
major iam fuisses Themistocle: quem non Milti-
adis trophæa; sed Augusti Parentis omnibus me-
moranda seculis, eademq; rari exempli meditami-
na; quem vicinorum negotia, vrgentiùs, quàm
ætas pateretur, ad immortalis gloriæ excubias ex-
citabant

citabant. Non Te iuvabat, immeritis cum Pel-
læo Iuvene indulgere querelis ad triumphos Ma-
gni Tui Philippi: sed gloriosis inardescens igni-
bus, palmas Tibi, quas victor legeres, feri gaude-
bas. Neq; differri studia passus es, quæ crescen-
tem ætatem ad omnem solidi honoris amplitudi-
nem fortius vrgebant: nouus Scipio, Imperatorio
lateri Maximi PARENTIS adhærere voluisti; imò
solicitis impetrâsti precibus, ut comes laborum,
spectator virtutis, testis gloriæ, imitator immor-
taliū operum fieres: an non infestæ Carthagini
Scipio futurus? Felix eo Imperatore, SERENISSI-
ME PRINCEPS; ut qui non modò coniunctione
sanguinis; sed etiam communicatione virtutis, in
eam spem vocabaris, quæ Te parem felicitatis
Paternæ Hæredem efficeret, bellicis tempestiuè
negotijs assuetū, exercitamentis Martiis instructū.
Triumphalem Iuvenem ad laureatas pro Patria
& Religione victorias initiari decuit augustâ vi-
ctoriâ à Triumphatore Parente, in generosâ mē-
tis exercitium, fortitudinis innatæ experimentum,
in bellandi, Heroicarumq; actionum exemplum,
orbe spectatore. Sic nascentes Aquilæ Patris vn-
gue suspenduntur ad Solem, & omnium avium
generi imperaturæ lucem ferre docentur & dis-
cunt: nec prius Aquilæ sunt, quàm eas Sol proba-
verit. Sic provida rerum Parens Natura, imma-
turam adhuc, quamquam non imparem suæ indo-
li concham, soli patentem cælo aperit, ut à Sole
gemmescat. Degeneres animos timor arguit:
Nobili virtuti hæc debetur commendatio; glorio-
sius ad summa niti cum periculo, non tutò sequi

humilia; durioribus enitescere, declivem aspernari facilitatem.

*O præstans animi PRINCEPS, quantum ipse feraci
Virtute exsuperas!*

tam ingenti animi fervore in ardua Martis negotia, imò in ipsam antiquis Bellatoribus formidandam proruens mortem! Divinus generosi spiritus vigor, qui alibi annorum partus est, Te, in immatura ætate maturum gloriæ demonstravit; illud studium Christianæ rei iuvandæ excitans, quod tempora deposcebant, virtutis Tuæ explicandæ. Rem certè non cunctando ut Fabius; verum properando maturè in ordinem restitutus, currere voluisti; imò præcurrebas vota, an prævolabas? (Principum enim cum DEO euntium, non cursus sunt, sed volatus! ut natantem constabiles, fulcres labantem, lapsam erigeres; firmas stantem, ne metueret casum, quem turgida Vezyræ ambitio, ab Austro omne tibi bonum falsò augurantis, in Viennæ minabatur excidio. Pietas & zelus addebant alas, instructissimo Palladis ægide Tibi Perseo pietissimo, ad profligandas impiæ malignitatis Gorgonas; nil nisi cadem & sanguinem ubique profundentes, vel avarè haurientes; eliberandamq; tot periculis expositam, tam vasto virulenti Draconis gutturi obiectam, Andromedam illam Imperij & Orbis. Persaxa & montes, per tela & ignes, major ignis DEO æstuans erumpebas, ut Domino Exercituum fidelem impenderes operâ, vitam consecrâres. Per angusta cerullimum intendens iter ad angusta: non Te magnitudo periculorum à proposito avocabat itinere; non viarum difficultas, non locorum asperitas, non aëris

indec-

inclementia, non bellorum iniuriæ mentem quæ-
tiebant solidam: non multitudo hostium, nõ vul-
tus instantis tyranni, nõ fulminantium fragor tor-
mentorum perturbabat. Etiam si fractus illapsu-
rus foret Orbis: tenacem propositi animum, iu-
stitia & pietate munitum, impavidum hæ minæ fe-
riebant. Scilicet Heroa mens, quæ ad magna de-
stinatur, cū per humilia formari non didicit, si
qua parte grauius impetitur, inter pericula peri-
culorum nomen ignorare creditur. Hoc vnicū
Tuam imperterritam vellicabat mentem, ne hostis
prius fugeret, quā pavidus Victoribus occurre-
ret. Hoc intensè cogitabas, hoc toties timere
Te scribebas. Fugienti hosti pontem aureum ster-
nendum esse, non nemo; viam muniendam, Sci-
pio censuit Africanus: minor Tuo animo, forti-
tudine inferior, tam angustus spiritus: non fugi-
entem, sed pugnantem exoptabat æmulum, ut
virtutis tyrocinium perfectam occuparet laudis
adoream. Et occurrit ille duræ ceruicis pugna-
tor: at in fortes non esse tutam audaciam, nouo
probavit exemplo; sensitq; INVICTISSIMI PA-
TRIS, FORTISSIMUM FILIUM; Sarmatico
Atlanti, qui cælum Christianitatis contra Odry-
sios Gigantes gloriosè sustineret à Superis dato,
nouum Te Herculem admotum, cui tot gentiū
fortuna populorumq; feliciter incumberet. Ille,
qui natiuam spirans arrogantiam, nihil se timere
fingeat; ipse sui impos victrices exhorruit Aqu-
ilas: qui dum bella fereret, regna & Provincias
metebat, profugus aconitū decerpsit; palmā & lau-
rū vobis Victoribus reliquit: quidū sperandū esset
amplius, fato suo, an pæna temeritati debita præ-

nuntiavit. Pannonia eversa, Bòemia vastata, Austria concussa, Orbis Christianus titubans; Patriâ pulsi Cives, exules, extorres; Vienna prius obsidione soluta, quàm intelligens; quam victoriæ viam parabant, seu optabant, DEO auspice, INVICTISSIMO PARENTE duce, PRINCEPS, Te socio belli; prius inuenerunt, quàm sperauerunt vel fenserunt. Divinum planè opus, uno prælio, multorum annorum exercitum tollere, exigua manu cum infinita hostium immanissimorum vi configendo, tot gentes, tot terras vindicare à servitute: vix venisse, jam vicisse: fuso, profligato hoste, in præmium victoriæ, vix æstimationem, virtutis obtinere, Divinum est. Tuæ gloriæ his præludebat tyrociniis Bellona, ut doceret, fortia agere & pati: quod jam non Romanum, sed Polonium esse, ad eximiæ laudis suffragium proficit.

Erigit iterum signa, concitat populos, dispersos colligit milites, novos conscribit, numerat legiones, reducit phalanges, acuit acinaces, expedit arma, construit acies & promovet: irarum omnes effundens habenas, iactans ore fremente minas, vultu ferox, voce fervidus, duris sævitiae stimulis exæstuans, cui nec mens, neq; color certa sede manent; insano concitus furore, ruit Ottomanus, acrius multò atq; vehementius, rabie pereundi pugnaturus: donec tam ferale incendium vasti Danubii vortices restinxerint: grande futurus exemplum vesanæ temeritatis. hæc quàm fida sit, experimentum fecit, collectam fugitiuorum ausus manum opponere Victoribus: nouam ad vincendum vel ulciscendum accepta damna referans viam, provocatione virtutis, intimius hoc stimulo
ad for-

ad fortia gesta irritatæ. Quantumcunq; hostium audacia luxuriavit; vultus Tuus inter hæc, probi sanguinis coloris; Martio plenus spiritu, initiati bellis nimis, fortissimo Poloniæ genio, manifesta proferens indicia, omnium in se ora conuertit, animosq; in specie erexit; ut tantò audentiùs contra irent, & multa simul aggrederentur pectore nullis unquam laboribus fatigato: quasi non videret pericula, nec possent sentire, quibus Majestatis Clypeus invictam faceret securitatem. Hoc erat victoriæ alterius adjumentum; quæ cum ad ripas Danubii victrices erigeret palmas & trophæa; fluminis ejusdem evocavit in applausum undas, ut altius exsiliirent, quò profundius hostilem sepelirent proterviam, nisi magis Thracico Scythicoq; sanguine cruentatæ ruborem testari maluerint, quòd illos Gigantes, contra Iovem Polonum transmisissent. Dixerim in publicæ confessionem pænitiæ scidisse Danubium vestimenta, dum ferre amplius impositum pontem nollet, ne impia transportaret pondera: seu rupisse viscera, ut fatalibus absorberet vorticibus Monstra hæc, sub quibus terra gemebat; ne tot casibus telluri allisa, vires resumerent in perniciem Orbis Christiani. Disperit armata impietas; quæ plenis impudentiæ velis ad summum audaciæ gradum ferebatur, ima petere debuit; Majestatem Victoris, qui præerat summæ rerum, non sustinens. Cujus clementiam propugnaculum Strigoniense venerari maluit, quâ toties provocare fortitudinem: & ne turpiter cecidisset cum sonitu, concidit honorificè cum adoratione; nunquam securius, quam cum vitam suam submitteret Liberatori; ut excussa servitute

Turcica cum nefanda superstitione, ad veræ pietatis libertatem, in adoptionem filiorum DEI admitteretur; Signo salutis Nostræ munitum.

Abripit me rerum à Te gestarum dulcedo PRINCEPS, ut quàm fortiter & feliciter, particeps belli, & laboris, multa egeris; quanto animi studio ad immortalitatem contenderis; qua factorum magnitudine spem publicam auxeris; quo splendore virtutis aduersos furentium hostium impetus percellueris; gestiât mens enarrare: sed absolvunt curam, illi ipsi, qui testes fuerunt luculentissimi, fortitudinis & magnanimitatis: ut, qui tum fuerunt præsentēs spectatores & admiratores, nunc gloriæ ducant, maximarum esse virtutum laudatores. Ære triplici fortem, sæuorum bella Gigantum expedientem, magnæ dexteritatis agentem opus; dignum cælo spectaculum, & terris; per ardua euntem, tenentemq; animosè cursum virtutis; tendentem ad metam honoris, nec aberrantem Heroicæ animæ indolem; ingenuâ celebrant veneratione sacrata Bellonæ pectora. Magno in discrimine, securitate animi & alacritate supra mortalium erectum naturam; insignem equo, manuq; terrori hostibus, ardori suis, miraculo omnibus; per cætorum sanguinem, per cadaverum campos; & pugnandi viam, & vincendi artem, digno Imperatoriâ dignitate genio colligentem: quantâ lætitiâ repetunt, eventus felicitatem expedientes! Natum Te, PRINCEPS, ad exercitus peritè regendos, ad res fortiter gerendas, ad debellandam contumaciam, ad continendos in officio armis subactos; quibus tum persuasum erat, nunc dulce est semel conceptum sensum tenaciùs defendere continuo confir-

mat

ma-
t-
a-
t-
p-
u-
rū
n-
us
nt
i,
ut
ia
E-
x-
di-
n-
de-
cæ
ne
ne,
ve-
ori
cæ-
pu-
to-
re-
um
res
am,
bus
nce-
fir-
tis

ma-
tis experimento: nullam esse tantam rem, tam-
quæ difficilem, quam non & consilio regere, &
auctoritate tueri, & virtute conficere possis. Pul-
so fugatoq; iterum superbæ mentis exercitu, po-
sitis ad Parkanum & Strigonium victricibus signis,
receptis in fidem, qui fortunam belli seu victorum
clementiam sequerentur; non postrema data est
virtuti Tuæ Provincia, Setinum: par suo nomini,
quod Tibi cederet in coronam gloriæ: ut nemo
ambigeret, quam rectè dici meruerit Stephanopo-
lis, tam primo Authori, quam Tibi Victori respō-
sura. Sed cum probè calleres formam imperan-
di, non nisi ex materia parendi pulcherrimè pro-
minerè: quantus iam esses, quibus passibus ad mu-
nia rectissimi imperii pervenire intenderes; glo-
riosa obsequii experimenta, ad nutū INVICTIS-
SIMI PARENTIS composita declaraverunt. Ab
hoc, quidquid agendum esset, ordinari volebas;
Ei vota & studia Tua exponebas; Ille quidquid
ageres, probabat, DUX ipse atq; Exemplum: Tu
illa egisti, dignus Comes & Imitator, quæ proba-
ri merebantur. Impetrata Setini explorandi po-
testate, conceptam de Te omnium fiduciam, satis
abundè jam ante probatam; consilii præstantiā,
sublimitate animi atq; ingentibus ausis, in omnem
occasionem rei benè gerendæ intentus, amplius
extendisti; non implendo modò, sed antevenien-
do, superando. Nempe summas illas maximo
dignas Imperatore, quas in suo celebrat Romanus
Orator Pompeio, virtutes: laborem in negotio,
fortitudinem in periculis, industriam in agendo,
celeritatem in conficiendo, consilium in providē-
do; in Te sedem suam fixisse prius docuisti, quam

credi potuit: sentientibus barbaris, gaudentibus Tur-
is, omnibus stupentibus. Venisti ad propugnacu-
lum illud, munimentis, validum, contumaciâ ho-
stium & robore firmum; quos vincere in prom-
ptu erat, servare voluisti, atq; adeò benignè pri-
mò invitâsti, ut tradita urbe, salutem, quam rui-
nam mallent: utq; tantò efficacius efferatos emol-
lires animos, libertatem deditis; exscidium, omni-
aquè belli mala devictis proposuisti. Cùm nihil
faciles apud pertinaces proficerent perluasiones;
tum demum contentione Principe dignâ, rem cœ-
pisti agere. Quamquam verò impigrè obsisterent
barbari, haud quaquam talium rudes, non tulere
nihilominus impressionem atq; ardorem oppu-
gnantium: dexteritate, ferro, fugâ, dissipantur.
Vicisti, expugnâsti, triumphâsti, PRINCEPS SE-
RENISSIME; nihil ex capto oppido, præter glo-
riam retinēs. Nimirū quibus victoria ipsa vitâ &
libertatem eripuerat; Tu humanitate restituisti:
qui fortunâ suâ oppressi fuerant, bonitate Tua re-
creati sunt; non tam ferro, quam benevolentia;
nec tam severitate, quam lenitate mancipati, æter-
num virtutis Tuæ monumentum. Et vincere
scis, & uti victoriâ non ignoras: contra obstina-
tum hostem Victor misericors. Felices victoriæ;
quæ & victoribus Nominis immortalitatem, & vi-
ctis adferunt salutem. Hoc illud magnificum o-
pus est, à multis tentatum; paucis concessum: eti-
am inter hostes venerationem virtutis, quam ode-
runt, invenisse. Tibi hæc militat gloria; cui ma-
ximus vilus est triumphus; hostes servari, salus po-
pulorum, generis humani securitas. Olim de Cæ-
sare, jam de Te, PRINCEPS, enuntiabitur: nihil
fortu-

fortunam Tuam habere majus, quàm ut possis ;
nihil melius naturam, quàm ut velis, conseruare
quàm plurimos. Respicimus hanc salutarem Cy-
nosuram, sed Solem agnoscimus, illustrantem re-
motissimos etiam Orbis habitatores ; meliùs desi-
nentem in proximos. Documentum virtutis &
præstantiæ exhibet animus tenerior in milites, in-
ter angustias temporis & loci deprehensos : quo-
rum amorì illud concedebas, quòd singulorù pe-
ricula proprio auertere dispendio cuperes. Hoc
tandem his actionibus obtinuisti, ut omnes pro
Te timerent, donec reducem feliciter in Patriam
cum Augusto Parente votis & plausibus excipe-
rent ; etiam Clypeis, antiquorum exemplo bella-
torum, parati.

Tantis periculis perfunctum, partâ insigni glo-
riâ ; emeritæ stationis requiem sectantem, quis vi-
dit Principem nostrum ? Non facilè à se generosa
impetrare potest anima ; cui insedère

Blandus honos, hilarisq; (tamen cum pondere) virtus.
ut non omnia experiri malit, quàm otari. Nec
pigra quies, nec vita secura ;

Nec spes
Improba ; sed medius per honesta & dulcia limes,
sibi propositus ; ut solidam illam & expressam, il-
lustrem & pervagatam, multorum & magnorum,
vel in Patriam, vel in omne genus hominum famâ
meritorum possideat.

Post persoluta Superis pia vota, solennesquæ
gratiarum actiones, ob felicem in Austria & Pan-
nonia successum, PRINCEPS SERENISSIME,
inchoatæ Magnificentiæ, ad Orbis tutelam, ad fir-
mandam rei Christianæ fortunam, pretiosas im-

pendere curas & studia, indefessa Tua cura & studium. Per stabiles rerum gestarum excursus, ducimur ad interiores mentis contentiones : ex semel inceptorum operum constantia, colligimus nobiles boni publici cogitationes. Narrant labores indefessos, in Castrensi collegio æstates inter bella sudatas, dies noctesq; inter Mæotica portēta, & vigilias consumptas, atq; tot incommoda animosè superata; campi Budziacenses, ad exercitium patientiæ ardore Solis, & infestâ ignium submissorum violentiâ percocti; atq; ipsa Dacia; infractum animo admirata: narrat Camenecum stupenda molimina, præfervidam immodicè virtutem, majoris discriminis aleam semper deposcētem, ad ipsius fortunæ lassitudinem. Hic me insolitus quidam horror tremorq; concurit; & ora, vultum, membraq; omnia pervadens, vocem eripit, verba præcludit: concido pavidus, ubi virtus Tua periculis interrita, clades, vulnera, & plurimam mortis imaginem despiciens, laudabiliùs emittit. Extremi res periculi videbatur; inter volitantes circumquaq; cum horribili fragore fulminantium tormentorum procellas, & igneas glandes, sibi imminentes, incidentes sibi versari : Tu tamen Superis ad summa vocantibus, non jam Spartana, sed Polona animositate obstinatus; hæc omnia intrepidus spectasti; tantis periculis nobile caput objecisti; per calcatas barbarorum minas, per substratas leri formidines, per cruentos debacchantis furoris horrores; liberâdo in turpe servitiū dejecto Orbi, sacris tutandis, digna Diis libertate, opem laturus; contendisti: tantis impendiis augustæ Magnificentiæ magnanimus Auctor.

In vasto

In vasto laudum Tuarum Oceano, PRINCEPS, quò altiùs provehor, eò maiorem in infinitum se se pandentem experior vastitatem, cui superandæ tenuis exilitas non sufficit. Neq; verò hîc fervilem fingendi artem, aut Oratoriam in majus auxilium quisquam opponat; donec per singula Tua decora, oculos, mentem & animum circumferat; profectò novum semper aliquid inveniet, quod ad dicendum occurrat: præsertim cum Tu continuam præclarè factorum accessionem adiacere non desinas; belli vel pacis muneribus intectus. In quibus illam occupationem reputas jucundissimam, quam laus condire solet, quamquæ dignitatis commendat pulchritudo. Quare cum probè scias nihil magis in animis nostris admirabilem illam honestatis imaginem depingere, atq; virorum optimorum consuetudinem: optimus ipse, hos in amicis habes, qui optimi, quiq; doctissimi: hos perquiris, hos aulae & lateri credis, foves & promoves, qui probitate cum doctrina excellunt. Respuis, despicias, non aconittis nefandam assentationis & blandiciarum pestem; dicam infames scopulos, Acroceravnia, non vnam Cæsaris fortunam, sed tot regnorum potentissimorum integritatem, & pænè Orbis universi tranquillitatem labefactantes. Ubiq; tandem eminere facis celsam indolem, apertam mentem, candidos mores, indeffessam benè merendi de omnibus studium.

Quæ major, hæc, Magnificentia? quæ Attalicis potior conditionibus possessio? quæ augustior magnitudo? Lætis hanc excipimus prosequimurquæ gaudiis: ne desideret posthuma ætas, Tu laudabiliter, piè, sanctè provides: priscum mortaliū bo-

num, fulcimentum generis humani, primam legē mundi, sacrum amicitiae coniugalis vinculum; dignitate, vtilitate, iucunditate commendatissimum; arētissima animorum unione individuum vitæ cōsuetudinem connectens; adsciscendo, subeundo. Sic Tuam spem præstas DEO, gaudium populis, nostris temporibus ornamentum, futuris pignus inæstimabile. Magnificentiam numerositate magnorum decorum ornatam, altiùs assurgere facis, dum publicæ vtilitati intimiùs consulis, communicatis virtutum & gloriæ à vicino Sole splendoribus. Verum enimverò

Qui novus huc nostris succedit sedibus hospes?

cui tantarum gloria rerum submittit animum Amori? quod aut unde, ad maiora nitenti PRINCIPIS Nostro, novum decus & robur? quæ vitæ, solatiorum, intimarum cogitationum, laborum, & (fauete Superi) periculorum socia? Plaudat Orbis; gaudet nostra Sarmatia: SERENISSIMA PRINCEPS HEDVIGIS ELIZABETH AMALIA, gemma decusq; Heroici Stemmatis Palatini; Tu inflectis sensus; animum impellis, suavissimâ virtutum Tuarum gratiâ, velut Amphionis vel Orphei fidibus delinitum; ut per sacram coniugalis vnionis harmoniam, Serenissimi Sangvinis retinaculum, augustam Magnificentiam firmiùs solidet, speciosiùs ornet. Amœnitatum festiuitates, puriores illecebræ, Orationum veneres, eloquentiæ flosculi, sermonis gemmæ & lumina, ubi estis? In tam decoro dicendi argumento, exultare debent verborum lepores, & omnis Suadæ venustas: hîc, quidquid vel ad hilaritatē decoris, vel ad suavioramentis auriumq; lenocinia dulcedinis, vel splen-

vel splendoris ad Majestatem, habet compta dic-
di ratio: totum illud officioso effundat cultu, to-
tum ad summam dignitatem impendat. Sed quis
nitor facundiæ, tantam materiæ claritatem
exprimere poterit, vel argumenti præstantiam qui
decor dictionis assequi? Averso agit consilio, qui
molitur illustrare pigmentis lucem, & adscitis
congenitam decorare pulchritudinem ornamē-
tis. Maxima decora; & quæ ingenti se se agmine
infundunt rerum species, in Tuæ gloriæ Magnifi-
centiam, SERENISSIMA SPONSA, sublimem
etiam deprimunt facundiam, exquisitum absumūt
ornatum, omnibus numeris absolutam confun-
dunt Orationem. Quæ Tecum ducis in comita-
tu, majora sunt, quam ut illa capiat modus sermo-
nis humani. Summa Generis cum virtute consen-
sio, in unum geminorum splendorum coalescens
fœdus, distrahit per singula dispersum animum,
inter gaudium & admirationem penitus hæren-
tem; quid, quæcūq; viâ praevenitur: ad desperatio-
nem tandem redactum, quod nec totam, nec per
partes euntem amplecti possit magnitudinem.
Quàm capax ille fuerit, qui tam immensam SE-
RENISSIMÆ DOMUS NEOBURGICÆ glori-
am colligere sufficiat. Domus hæc AUGUSTIS-
SIMORUM IMPERATORUM, MAXIMO-
RUM REGUM, & PRINCIPUM implexa Stir-
pi; fasces omnium dignitatum, sacros honores,
fortunam deniq; parem complexa, circumallucē-
tem ab ultima repetita sui origine claritatem ostē-
dens, culmen laudis obtinet.

Grande & ingens nomen AUGUSTISSIMÆ
DOMUS AUSTRIACÆ, ab ipso Heroico secu-

lo per plurimas ætatum successiones producta,
per sedecim Summorum Principum classes, è qui-
bus veluti è fontibus promanat, gloriosè deducta
celsitudo : ejusdemq; zelus pro Christi fide, admi-
randæ victoriæ & triumphi, profusa in genus hu-
manum beneficia, continua in Orbem uniuersum
promerita ; Diis miscet Superis, Familiæ Vestræ,
SERENISSIMA SPONSA, dignitatem : numera-
tis tamen inter cognata decora, etiam CATHO-
LICISSIMAM Hispaniæ Majestatem, SERENIS-
SIMUM Portugaliæ Regem, & celebratissimam
toto terrarum Orbe SERENISSIMORUM
PRINCIPUM PARMENSIUM gloriam. Quæ
cùm ego diligentius cogito, pavidus & stupens,
ultrò Mufonium advoco dicentem : Admiratio-
nem, quæ maxima est non parere verba sed silen-
tium. Icarum vellet æmulari ; quisquis ceratis o-
pè Dædalea suspensus pennis, in altissimo SERE-
NISSIMÆ BOICÆ & PALATINÆ DOMUS
Cælo, tā ingentibusq; seculis luminibus aucto,
liberiùs progredi tentaret : vitreâ experturus for-
tunā, vitreo daturus nomina Pō o ; maximis quibus
circumfluit splendoribus, adustus. Domus illius
vetustissimæ ; tot Imperatorum, tot Regum, Prin-
cipumq; Genitricis, aut Affinis, nobilitas, claritu-
do, dignitas, opes, potentia, par cælo majestas ;
non ab Oratoris fide, sed à seculorum serie, à re-
bus toto Orbe gestis, ab historiis annalibusq; exi-
genda est.

Agnosco Generis & gloriæ Tuæ, SERENIS-
SIMA SPONSA, fontem inexhaustum, Impera-
torio insignem diademate, Regiis decoratum ho-
noribus, domesticis fascibus illustrem ; nec un-
quam

quam satis dignè celebrandum: cui Tu quoq; succedis in coronam, non indiga laudum Paternarū. Quid non magnificum? quid non illustre? vel Lyncei repererint oculi in SERENISSIMO PARENTE: cujus quidem laudes, cū nullus inferiorum labor curaq; possit exæquare dicendo; summus ille belli pacisq; Arbiter, terror Turcarū & Triumphator VLADISLAUS IV. Regū Fortissimus, pariter ac Felicissimus, Princeps æternū memorādus, æquā dabit æstimationē; sine affectu judicans, quia Patriæ suæ amantissimus, etiam cū vita deficeret. Quid ille? successorem suum in solio SERENISSIMUM PRINCIPEM NEOBURGICUM intimè optavit, & ultimis commendavit Poloniæ tabulis. Quid eā commendatione sublimius cogitari potest? quæ intra vota sua habet, id omne, quidquid Heroicis mentibus optabile vel supremum est. Et Regiæ quidem virtutes, prudentia, regendi populos peritia, comitas, iustitia, clementia, animi magnitudo, & reliquæ peritæ, artes, adeoq; ingens purpurati sanguinis reditas, pellexerant Libertatis Poloniæ teneritudinem, ut hunc sibi Regem deposceret: jamq; Fortuna Regni, sceptrum & coronam illius bis aptabat Augustæ Personæ, nisi aliam fata viam invenissent. Ad virtutis censum spectat, addereq; operæ pretium est; etiam bicipitem Imperii Aquilam, in conspectu tanti PRINCIPIS; sua ostentasse Insignia, ut reddidisset certiores augurio, æquam Regibus dignitatem Electoralem; jam olim promeritam, tandem aliquādo plena felicitate illi deferendam. Verū quæ tā divitis venæ copia? quod robur eloquii, potest di-

gna Magnis decoribus tanti PARENTIS, invenire verba? cui sua sublimitas pretium, & dignitas est. Illud tamen incertum est; plusne eidem subiecti populi, an tot insignia regna debeant? Populorum quidem subditorum pietas, publicæ salutis pacisque Auctorem, securitatis Conservatorem, Fidem, Iustum, Pacificum, & omni laude dignissimum PRINCIPEM, summo studio & desiderio celebrat; æternam Ejus Nominis memoriam gratissimis inscribens pectoribus. At regna & gentes vicinæ remotæque, eo titulo sunt illi obstrictæ, quod beato germine, optata progenie, salutari ad hereditatem, suffragiaque imperiorum fecunditate, spes dubias depulerit, certas impleverit. O quanta hic laudum congeries! quantus Familix honos! per nobilissima & suprema Reipublicæ Christianæ stemmata sanguinis commercium deducere: hoc ipso longam ætatem demereri. Magnum est indefessa ubertate, tot iam exactis seculis, simul splendere, & clarescere, & honoris eminentia: nec minor tam laus est, secundæ Heroici cruoris venâ, tot votis gentium sufficere.

Quid dicam de pretiosissima SERENISSIMORUM FRARRUM TUORUM corona? pluresne an unum dixerò? in ambiguo hæreo: ita enim omnes eadem animari videntur mente, ac virtute, ut unus credi possit: ita singuli præclaris eminent gestis, ut reducti in seipsos, pulchra geminatione virtutis, pluribus respondeant. Verbo dixisse sufficiat; omnes illos Divinitus datos esse, in quibus singulis virtutes simul omnes vigeant, quæ singulæ de omnibus prædicantur. Quilibet ex his Achilles, suum Homerum; quilibet Cyrus suum Xenophona

nophontem poscit; ne umbratilis hæc pagina capi-
piat: habeant vel inde amplitudinis suæ documē-
tum, quòd exilis parcite elogii circumscribi nō
possint; quibus Patria, Ecclesia, Orbis, parandi æ-
viterni Nominis theatrum aperuit, ut habeat pie-
tate Numas, Sapientiâ Cæsares, magnanimitate
Scipiones, ardore in Ecclesiæ bonum Ambrosios.

*O! quam Te merorem, VIRGO, namq; haud Tibi vultus
Mortalis,*

in quo pulchrum omnis elegantiae schema cum
superemineat, virtutum deinceps ornatus, in tam
eximia specie, in hoc simulacro mentis emicans,
tam politus cernitur, ut insignem SERENISSIMI
Sanguinis colorem, aucto propriarum virtutum
censu, gloriosè insigniat. Pulchra est symmetria
corporis; naturæ privilegium, donum fortunæ,
muta commendatio: sed pulchrior animi decor;
cæli beneficium, species Omnipotentis, Numen
terrestre. Digna est conexio generis cum for-
ma; sed dignior utriusq; cum virtute. As-
sursumus tanto honori, in fulgenti, Pulche-
ria nostra, SERENISSIMA SPONSA; penduli
tamen admiratione, quod recenti legimus avidita-
te, prosequi nescimus laudatione. Spectamus e-
nim in Te, formâ cū pudicitia, pudiciâ cū probi-
tate, probitatem cum comitate, hanc cum pieta-
te, quæ Tibi Patria & cum lacte hausta virtus est,
ita certare, ut quod potissimum laudemus, aut
admiremur, sollicitam effugiat mentem. Hoc u-
nicum suppetit in Te suspicientibus illustre morū
palatium, omnium laudatissimarum actionum pe-
netrale, egregiam & verè Regiam summorum de-
corum sedem; ut liceat exclamare:

*Cedite jam Dina, quas Pastor viderat olim
Idaeis in verticibus.*

Fragile vos bonum iudici Pastoritio submisistis :
nec ultra, quam pretium adiudicandæ formæ po-
scebat, seu valebat, singulæ parca liberalitate spō-
debatis : nostra SERENISSIMA HOSPES &
SPONSA ; & generis, & naturæ, & propriis orna-
mentis ; & quouis genere laudis præstantissima ; ju-
diciū illud despicit, litigium ridet, non timet e-
ventum, terris cæliquæ faventibus. Tota candi-
dissimi puritas ingenii, tota elegantis animi venu-
stas, totus Virginei decoris apex, tota innocentis-
simi cordis gratia in illa refulcet. Eruditorum,
seniorum fatus, Poëtarum nata, figmentis no-
bilior quàm ornamentis Pandora, non amplius
Orbis aucupabitur venerationem ; digniore iam
spectaculo splendens excitatur. In Te SERENISSIMA
SPONSA integra perfectio, doctes naturæ & animi
copioso defluerunt cælitus imbres : in qua cellissi-
ma mens cū venustate ; frontis decencia, cū
excelsa prudentia ; imposita gravitas cum sum-
ma affabilitate, atq; reliqua bonæ mentis decora
tanquam preuosi lapilli radiant. Fuerit ma-
gnū, aliquādo longā Homeri Iliadē levi insertā mē-
brana, vix unius nucis inclusisse putamini : maius
in Te Sarmatia spectat prodigium, simulquæ con-
cipit gaudia : cum eximio morum contextu, nu-
merosa tot ætatum, tot Magnorum Nominum,
tot virtutum compendia, & quidquid summa po-
scit eminentia, complexa, in Orbis nostri lucem
producis. Tam speciosa pompa, quæ cingit ve-
nientem ; tam solida, nec ex aduentu fulgens
magnitudo, non docilis artis ingenio fabricata,
sed ex-

sed excellentis Naturæ ductu, Magistra Virtute in
præclaris actibus elaborata, gratiosa specie omnes
detinet; completq; desideriorum summam, ne
ambiat antiqua illa probitatis nomina, Livias,
Portias, Sulpitias, Cornelias, Lucretias, Aspasi-
as; Te una tenente, quæ singulas beaverunt.

Inter hæc, dum mens illecta gaudio non satis
verba eluctatur; augusta SERENISSIMÆ PA-
RENTIS Tuæ ante oculos obversatur imago.
Quam ingens negotium! quod cum expedire ne-
queo; æternæ memoriæ traditum intelligo, om-
nium virtutum illibatum decorem excelsa gloriæ
coronatum fastigio, in Te transfusum agnoscens.
Non potes non esse simillima tantæ origini, SE-
RENISSIMA PRINCEPS. Fecit PISSIMA PA-
RENS, ut avita Majorum lumina in Te descen-
derent; sed studiosius adlaboravit, ut innocui pri-
mo cum nectare mores instillarentur, imprime-
renturque nivæ menti & quam semel
suscepit pio zelo, retinui instanti perseveran-
tiâ, Catholicæ Religionis vantia.

Quocunque ergo progrediaris, abesse à For-
tuna Tua & Indole non potes; magno Te comitatu
ambiunt virtutum apparatus: viam Tibi præeunt
aliæ, aliæ latus cingunt utrumq; , ponè sequuntur
aliæ: Pietas, Pudor, Constantia, Integritas, Can-
dor, Innocentia; tantusq; Gentis honos! Ingre-
dere felix Regni Nostri limina; iunge Gentilitia
Insignia Poloniæ splendoribus; utramq; adimple-
bis paginam, recreabis Gentem. In aureo Lechiæ
campo virtutum expande ordinem; speciosius ef-
floreſcet. Paterni, Materniq; Generis Leones,
Regnatrici Aquilæ sancto sociantur fœdere; ut ex

fortibus egressa dulcedo; Nectar DEO, Patriæq;
affundat. Martius SERENISSIMI SPON-
SI Clypeus, pellucidus & illimis, nullam adver-
sam passus manum; Tuam admittet cælaturam,
pretiosos Rhomborum adamantes, & Liliata Sce-
ptorum gloria, à suo non abhorret ingenio: imò
si ludere velit Fortuna, ut eludatur, commodè in
hac Tabula Latrunculi deponentur.

Hæc in amplo laudum Vestrarum theatro, SE-
RENISSIMI PRINCIPES SPONSI, eâ, quam
publico lætitiæ edicto dedistis, licentiâ, dum ludi-
mus, magna parvis tenuando modis; panditur in-
terea Augustæ Magnificentiae Pantheon, non ge-
minis Martis Venerisque sacratum Numinibus
(quanquam & horum titulo solenne Nuptiarum
festum censi non dedeceret) sed Divinis Vestris
visendum Virtutibus, quæ coniuncto ingeminant
splendore diem. Ego ad insuetum lumen quã-
doquidem acies uti- lis torpet, nec, in tantæ
revelatione Majestatis incensum ingenium, iuvat
facundiæ ruinâ tueri, in vota desino; quæ è pura
piaque mente profecta, magis quam meditata
verba, Principibus probantur; & à Cælo æstiman-
tur. Huc jam succede terna Charitum corona
sororum, huc Musæ decentes, Nympharumq; cho-
ri spargite flores, æterno Vere rubentes: hoc
munere Purpurei benè coluntur Hymænei. De-
cet Orbis totius festo lætoque die ire in plausus
Calum, ut pretiosa tempestas, aurei imbres, gem-
marumque grando, alto proxima Solio coniugia
honorant. Decet homines solennibus obstrin-
gi votis; ut qui spem, opem, salutemque popu-
lorum

lorum complectitur Hymen, in amplexu & pèr-
 petuo Superûm favore, triumphet. Hoc agi-
 mus Jagelloniis devota pectora Camænis ante
 Thronum Gratiaæ Tuæ supplices, summe Divûm
 hominumquæ SATOR: Divino cuius auspicio
 Principum connubia panguntur; & Reges in
 ipsos imperium est: ut Regiis eximium decori-
 bus, fatoquæ conjunctum potenti SERENIS-
 SIMORUM PRINCIPUM Martiale vin-
 culum, adamante supremæ benedictionis firmum
 & diuturnum efficias; infestis casibus, & levis
 fortunæ ausu intemeratum esse velis, iubeasquæ.
 Tam perennibus innixa munimentis, & velut se-
 cundis sublata alitibus, ipsâ etiam Magni Nomi-
 nis & ingentium meritorum famâ elevetur super
 cælos, vitâ manente, Augusta, quam in vobis
 adoro, SERENISSIMI PRINCIPES
 SPONSI, Magnificentia: nec desinat
 terris diu
 imp



